

# JOHONNI

## GAHAM KHÔTHANAI

### Jishuni manshi janai

1 Jajennaiao bathraya don môn, arô bathraya Ishôrjôn  
2 lôgôshe môn, arô bathraya Ishôr môn. °Biô jajennaiao  
3 Ishôrjôn lôgôshe môn. Bijôn gashôinô jayashôi, arô bijôn  
4 noñabla janaiphôrni muñshebô jayakhôi. Biao gôthan  
5 don môn, arô gôthana manshiphôrni shran môn. Arô  
shrana khômshiao jôndônô, bobekhani khômshia bikhôu  
6 layakhôiishôi. Shashe manshi jakhanashôi, biô Ishôrni-  
phrai thônhôrjadôn môn, bini muña Johon. Biô shakhini  
7 thakhôi, shrañni muñôi shakhi hônô phôidôn môn,  
8 boibô bijôn phôthainai badi. Biô shran noña môn, bobe-  
khani biô shrañni muñôi shakhi hônô phôidôn môn.  
9 Shaphrômnbô shran hôgra noñgôu shrana shoñsharao  
10 phôihañ hañ môn. Biô shoñsharao don môn, arô shoñshara  
bijôn jayashôi, bobekhani shoñshara bikhôu mithiakhôi-  
11 shôi. Biô gaoniphôrao phôiashôi, bobekhani gaoniphra  
12 bikhôu najaoakhôiishôi. Bobekhani bikhôu najaogra mani,  
bini muñôi phôthaigraphônô' biô Ishôrni bishaphôr janô  
13 bôlô hôashôi. Bishôrô thôijôn noña, bedorni gôshô-  
jônô noña, manshini gôshôjônô noña bobekhani Ishôrjôn  
14 sharijabai. Arô bathraya bedort jayashôi arô jônni  
gejerao thaphôiashôi, arô shashe lo sharijanaini Biphani-  
phrai mônnai shomainai badi jônô doyajôn arô noñgôujôn  
15 buñjashe bini shomainaikhôu nubai. Johona bini thakhôi  
shakhi hôashôi arô gabjrinanôi hônashôi : "Bininô thakhôi  
an hônbai : Anni unao phôiğôna anni shigañ jabai, manôna  
16 biô anni shigañao don môn." Manôna jônô boibô bini buñphob-  
17 nainiphrai doyani shayaobô doya mônbai. Manôna ayena

Moshejôn hôjadôn môn, doya arô noingôua Jishu Khristhojôn  
18 jabai. Raobô Ishôrkhôu mablábabô nuakhôi. Biphani  
phendayao thanai shashe lo sharijanai Bisha hâuayanô  
bikhôu mithihôbai.

### Johon bapthishma hôgrani shiman lanai

19 Judaiariphra, nôô shôr hônnanôi, biniao shônô thakhôi  
Jerushalemniphrai dôuriphôr arô Lebriariphôrkhôu thôn-  
20 horbla, Johonni shakhi hônai benô : Obla biô shiman  
lananôi phôlayakhôishôi, bobekhani biô shiman layashôi :  
21 “Anô Khristho noia.” Bishô rô biniao shônashôi : “Obla  
ma ? Nôô Elia ?” Biô hônashôi : “An noia.” “Nôô bi  
22 nabi ?” Biô buñphinashôi : “Noia.” Obla bishô rô bikhôu  
hônashôi : “Nôô shôr ? Jônô jônkhôu thônhorgraphô-  
khôu buñphinai badi. Nôô gaoni thakhôi ma hônna-  
23 nô buô ?” Biô hônashôi : “Anô phôtharao shashe gab-  
jribagrani rao, Jeshai nabia bua’ môn badi : Nônshô rô  
24 Phôrbuni lamakhôu phenô !” Bishô rô Pharishaiphôrni-  
25 phrai thônhorjadôn môn. Arô bishô rô biniao shônnanôi  
bikhôu hônashôi : “Nôô Khristho noia, Eliabô noia, bi  
26 nabibô nôabla, obla nô manô bapthishma hâyô ?” Johona  
bishô rkhôu buñphinanôi hônashôi : “Anô dôijôn bapthish-  
ma hâyô, nôshôrni gejerao nôshôr mithiyôi shashe  
27 goshoñnanôi don, anni unao phôigônô, anô bini phôithani  
28 khanaikhôu kheonô shomaithao thao noia.” Bephô rô Jordan  
barôi’ Bethaniayao jayashôi, Johona biao bapthishma  
29 hônai môn. Nokha nainanôi biô Jishukhôu gaoniao phôinai  
nunanôi hônashôi : “Hônôi naihort Ishôrni bôrma menda  
30 bishaya, biô shoñsharni phabkhôu banlanô !” An bininô  
thakhôi buñdôn môn : “Anni unao phôigôn manshia anni  
31 shigan jabai, manôna biô anni shiganao don môn. Anô gaonô  
bikhôu mithiakhôi môn, bobekhani, biô Ishraelniao nujanai

- badi, bini thakhôi an dôijôn bapthishma hâyôi' hâyôi' phôi bai."
- 32 Arô Johona shakhi hônanôi hônashôi : "Anô Jiukhâu phareo badi nokhrañniphrai onkharnanôi bini shayao thaphôinai
- 33 nubai, Anô gaonô bikhâu mithiakhôi môn, bobekhani ankhâu dôijôn bapthishma hônô thônhorgraya ankhâu hônâ' môn : Nônô Jiukhâu shôrbani shayao onkharbônai arô thaphôinai nubla, binô Gôthar Jiujôn bapthishma hôgraya.
- 34 Arô anô nubai arô shakhi hôbai : Benô Ishôrni Bisha hâu."'
- 35 Nokha nainanôi Johon arô bini shôlôngraphôrni shanôia arbao
- 36 goshonbai thadôn môn, arô Jishukhâu thabainai nuhurbla, biô hônashôi : "Honôi naihort Ishôrni bôrma menda bishaya !"

### Shigañni shôlôngraphôr

- 37 Arô bi shanôi shôlôngraphra bikhâu buñnai khônananôi Jishu-
- 38 ni un un thanphayashôi. Jishua gidinnanôi bishôrkhâu un un phôinai nunanôi bishôrkhâu hônashôi : "Nônshôrô ma naigirdôn ? Obla bishôrô bikhâu hônashôi : "Rabbi,—dikhanjabla biô guru hônjayô,—nônô bôuha thayô?"
- 39 Biô bishôrkhâu hônashôi : "Phôi naiphôi !" Obla bishôrô than-
- nanôi bini thagra jaigakhâu nuhôiashôi, arô bishôrô bi shanao biniao thayashôi. Muga khaosheni shô' môn.
- 40 Johonniphrai khônana arô bini un un thanphanai shanôini
- 41 shashea Shimon Phethorni phônbai Andreash môn. Biô gaoni bida Shimonkhâu môngrônânôi bikhâu hônashôi : "Jônô Mashikhâu mônbai,"—biô dikhanjabai Khristho.—
- 42 Biô bikhâu Jishuniao lanashôi. Jishua bikhâu nainanôi hônashôi : "Nônô Johonni bishajla Shimon, nônô Khephash
- 43 hônjagôn,"—biô dikhanjayô Phethor.— Nokha nainanôi Jishua Galilao thannô gôshô jayashôi, arô biô Philibkhâu
- 44 mônnanôi bikhâu hônashôi : "Añni un un phôidô !" Philiba
- 45 Bethshaidani, Andreash arô Phethorni nôgôrni môn. Philiba Nathanaelkhâu mônnanôi bikhâu hônashôi : "Bini thakhôi

Moshejôn ayenao arô nabiphôrjônbo lirjanaikhounô, Nasha-  
 46 rethni Jishu, Joshebni bisha hâuakhôu jônô mônbai." Natha-  
 naela bikhôu hônashôi : "Nasharethniphrai maba môjan janô  
 hagôu khôma?" Philiba bikhôu hônashôi : "Phôi naiphôi!"  
 47 Jishua Nathanaelkhôu gaoniao phoinai nunanôi bini thakhôi  
 hônashôi : "Hônôi naihört, biô noingôu shashe Ishraelari,  
 48 biniao shôlinai gôia!" Nathanaela bikhôu hônashôi : "Nôn  
 mabôrôi ankhôu mithikhô?" Jishua buñphinnanôi bikhôu  
 hônashôi : "Philiba nôñkhôu liña shayao, an nôñkhôu dumru  
 49 biphañni shinao thanai nudôn môn." Nathanaela bikhôu  
 buñphinashôi : "Ô guru, nôñô Ishôrni Bisha hâu, nôñô  
 50 Ishraelni raja." Jishua buñphinnanôi bikhôu hônashôi : "An  
 nôñkhôu dumru biphañni shinao nudôn hônnanôi, an nôñkhôu  
 buñnai khai, nôñô phôthaiô. Nôñô biphôrni khurôi dershin-  
 51 phôrkhôu nugôn." Arô biô bikhôu hônashôi : "Nonthargôu,  
 nonthargôu an nôñshôrkhôu hônô : Nônshôrô nokhrañkhôu  
 geonai arô Ishôrni arphophôrkhôu Manshini bisha hâuani  
 shayao gakhônai arô onkharnai nugôn."

### Jishuni maojennai hañkhô

2 Shanthamniao Galilni Khana nôgôrao haba khuñshe jaya-  
 2 shôi, arô Jishuni bimaya biao don môn. Jishuabô bini  
 3 shôlôngraphrabô bi habayao hañkhrai jadôn môn. Drakha  
 bidôia thôa jabla, Jishuni bimaya bikhôu hônashôi : "Bishôr-  
 4 ha drakha bidôi gôia." Bobekhani Jishua bikhôu hônashôi :  
 "Ô ai, nôñjôn anjôn ma? Anni mugaya dabônô  
 5 jathoakhôi." Bini bimaya dao dao khalaigraphôrkhôu  
 hônashôi : "Bi nôñshôrkhôu hônnaikhounô khalamdô!"  
 6 Biao Judaiariphôrni phôtharnaini huda badi gonđo onthaini  
 dôini muthikhiphôr phojonai don môn, biphôrô gonpha  
 7 gonphayao mohonnôi mohontham janai môn. Jishua bi-  
 shôrkhôu hônashôi : "Nônshôrô dôini muthikhiphôrkhôu

dôijôn shôphuidô !” Arô bishôrô biphôrkhôu ruguñ shim  
 8 shôphuñashôi. Obla Jishua bishôrkhôu hônashôi : “Danô  
 khaonanôi habani gahainô’ hôi !” Arô bishôrô hôiashôi.  
 9 Bobekhani habani gahaia bi drakha bidôi janai dôikhôu  
 shakhibla,—arô bobeniphrai jakhô, biô bikhôu mithiakhôi  
 môn, bobekhani dôi khaonai dao dao khalaigraphra mithigôu  
 10 môn,—obla habani gahaia hôua gôdankhôu línhornanôi bikhôu  
 hônashôi : “Manshi shaphrômbô môjan drakha bidôikhôu  
 bulaigrôyô, arô manshiphra phebla, gajrishinkhôu bulaiô.  
 Nônô da shim môjan drakha bidôikhôu dônbaodôn.”  
 11 Jishua hañkhôphôrni be maojennaikhôu Galilni Khana-  
 yao maonanôi gaoni shomainaikhôu dínthiashôi, arô bini  
 shôlôngraphra bikhôu phôthaiashôi.

### Khapharnahumao

12 Bini unao biô, bini bima, bini phônbaiphôr arô bini shôlôn-  
 graphra Khapharnahumao oñkharlanashôi, arô bishôrô biao  
 shannôi shô’ thayashôi.

### Gôthar nokhôu phôtharnai

13 Judaiariphôrni Phaskhaya khathishôi môn, arô Jishua  
 14 Jerushalemao gakhôashôi. Arô biô môshôu, bôrma menda  
 arô phareo phangraphôr arô phaisha shôlaigraphôrkhôu  
 15 gôthar noao jobai thanai mônashôi, arô dudun bishaphôrjôn  
 goñshe bugra khalainanôi biô gashôikhôu, bôrma mendaphôr-  
 khôubô môshôuphôrkhôubô gôthar noniphrai huonjôbashôi,  
 arô biô phaisha shôlaigraphôrni phaishaphôrkhôu shardla-  
 16 nanôi arangaphôrkhôu narkhlaiashôi, arô biô phareo phan-  
 graphôrkhôu hônashôi : “Bephôrkhôu beniphrai lan, anni  
 17 Aphanî nokhôu phangra no dakhalai !” Obla bini shôlôn-  
 graphra gôshôkhanashôi, lirnai don hônnanôi : “Nônini noni

18 thakhôi gôshô gudun janaia ankhôu jakhrebgôn.” Obla  
 Judaiariphra bunjennanôi bikhôu hônashôi : “Nôn bephôr-  
 19 khôu maonai khai, nônô jônô’ ma han khô dинthiô ?” Jishua  
 bunphinnanôi bishôrkhôu hônashôi : “Be khulumgra no-  
 khôu shiphai, arô anô shanthamjôn bikhôu dikhanphingôn.”  
 20 Obla Judaiariphra hônashôi : “Khaobrôi bôshôrdojôn be  
 khulumgra noa lujadôn môn, arô nônô bikhôu shanthamjôn  
 21 dikhanô ?” Bobekhani biô gaoni môdômni khulumgra  
 22 noni thakhôi buna’ môn. Biô gôthôiphôrniphrai shikhan-  
 phinbla, bini shôlôngraphra, biô bikhôu buna’ môn hônnanôi,  
 gôshôkhanashôi, arô bishôrô gôthar lirnai arô Jishuni hônnaï  
 bathrakhôu phôthaiashôi.

### Gôbanî phôthainai

23 Unao biô Jerushalemao Phaskha phorobao donbla, gôban  
 bini maonai han khôphôr nunanôi bini mun khôu phôthai-  
 24 shôi. Bobekhani Jishua gaoni thakhôi bishôrkhôu phôthai-  
 akhôishôi, manôna biô gaonô boikhôubô mithinai môn,  
 25 arô manshini thakhôi shôrba shakhi hônô binô’ nanakhôi  
 môn, manôna manshiniao thanaikhôu biô gaonô mithinai môn.

### Nikhodemjôn rajlainai

3 Pharishaiphôrni gejerao shashe manshi don môn, bini muña  
 2 Nikhodem, biô Judaiariphôrni shashe gôra môn. Biô  
 horao Jishuniao thannanôi bikhôu hônashôi : “Ô guru, jônô  
 mithigôu, nônô Ishôrniphrai phôinai shashe phôrôngra hôn-  
 nanôi. Manôna Ishôra bijôn lôgôao thayabla, raobô nôn maonai  
 3 han khôphôrkhôu maonô haya.” Jishua bunphinnanôi bikhôu  
 hônashôi : “Nonthargôu, nonthargôu an nôn khôu hônô : Sha-  
 4 rijaphinabla raobô Ishôrni rajôkhôu nunô haya.” Nikhodema  
 bikhôu hônashôi : “Manshia hôrainanôi mabôrôi sharijaphin-

nô hagôu? Biô khonshebao gaoni bimani phishakhoao  
5 habnanôî sharijaphinnô hagôu khôma?" Jishua buñphin-  
ashôî : "Nonthargôu, nonthargôu añ nônkhôu hônô : Dôi  
arô Jiujon sharijaphinabla raobô Ishôrni rajôao habnô  
6 haya. Bedorjon sharijanaia bedort, arô Jiujon sharijanaia  
7 jiuano. Nonshôrnô' sharijaphinnô nangôu hônnanôî, añ  
8 nônkhôu buñnai khai, shômô danañ! Bara gaoni gôshô  
janaini thinôî barô, arô nôî bini shôdôbkhôu khônayô,  
bobekhani biô bobeniphrai phôiô arô bôuha thanô hônnanôî,  
nôî mithia. Jiujon sharijanai shaphrômbô bebadinô."  
9 Nikhodema buñphinnanôî bikhôu hônashôî : "Bephôrô  
10 mabôrôî janô hagôu?" Jishua buñphinnanôî bikhôu  
hônashôî : "Nônô Ishraelni phôrôngra jananôîbô be-  
11 phôrkhôu mithia? Nonthargôu, nonthargôu añ nônkhôu  
hônô : Jon mithinaikhôu jonô bunô, arô jon nunaikhôu jonô  
shakhi hâyô, bobekhani nonshôrô jônîni shakhi hônaiikhôu  
12 laya. Anô nonshôrnô' haniphôrkhôu khôthabla, arô non-  
shôrô phôthaiabla, obla añ nonshôrnô' nokhrañniphôrkhôu  
13 khôthabla, nonshôrô mabôrôî phôthainô? Nokhrañniphrai  
onkharbônai (nokhrañao thanai) Manshini bisha hâuakhôu  
14 nagarnanôî raobô nokhrañao gakhôakhôî. Arô Moshea  
phôtharao jibôukhôu dikhaña' môn badi, Manshini bisha  
15 hâuaya bibadinô dikhañjanô nangôn, bikhôu phôthaigra  
shaphrômbô jôbnô gôiôi gôthañkhôu mônînai badi. Manôna  
16 Ishôra shônsharkhôu eshegrap' onbai, biô gaoni shashe lo  
sharijanai Bisha hâuakhôu ôrôinô hôbai, bikhôu phôthaigra  
shaphrômbô hophaiôi badi, bobekhani jôbnô gôiôi gôthañ-  
17 khôu mônînai badi. Manôna Ishôra shônsharkhôu bishar  
khalamnô thakhôî Bisha hâuakhôu shônsharao thônhora-  
khôî, bo bekhani shônshara bijôn bôkhañjanai badi shô'.  
18 Bikhôu phôthaigraya bishar khalamjaya. Biô Ishôrni shashe  
lo sharijanai Bisha hâuani munkhôu phôthaiôi khai, bikhôu

19 phôthaiôia bishar khalamkhajabai. Arô bishara benô :  
 Shraña shonsharao phôibai, arô manshiphra shrañni khurôi  
 khômshikhôu onshinbai. Manôna bishôrni habaphra gajri  
 20 môn. Manôna gajrikhôu khalaigra shaphrômbô shrañkhôu  
 mugôio arô shrañaao thaña, bini habaphra shônkharijayôi  
 21 badi. Bobekhani noñgôukhôu khalaigraya shrañaao thaño,  
 bini habaphra nujanai badi, biphôrô Ishôrniao maojabai  
 hônnanôi.”

### **Jishuni thakhôi Johon bapthishma hôgrani shakhi hônai**

22 Biphôrni unao. Jishu arô bini shôlôngraphra Judai hadorao  
 thanashôi, arô biô biao bishôrjôn lôgôshe thananôi bap-  
 23 thishma hônai môn. Bobekhani Johonabô Shalimni kha-  
 thini Ainonao bapthishma hônai môn, manôna biao gôbañ  
 dôl don môn, arô manshiphra biniao thannanôi bapthishma  
 24 hôjanai môn. Manôna Johona hajorao jôbjathoakhôi môn.  
 25 Obla Johonni shôlôngraphôrjôn shashe Judaiarijôn phô-  
 26 tharnaini thakhôi narjlainai jayashôi. Arô bishôrô Johonniao  
 thannanôi bikhôu hônashôi : “Ô guru, nai, Jordan barôi’ nôn-  
 jôn lôgôshe thanai, nônjôn shakhi hôjanaia bapthishma  
 27 hâyô, arô boibô biniao thaño.” Johona bunphinnanôi  
 hônashôi : “Nokhrañniphrai binô’ hôjayabla, manshia muña  
 28 muñshebô lanô haya. An Khristho noña, bobekhani an  
 bini shigañaao thônhorjabai hônnanôi, an bebadi hônnaïni  
 29 thakhôi nônshôr gaeshôrnô anni shakhiphôr. Hinjao gôdan  
 gônañanô hôua gôdan. Bobekhani hôua gôdanni phishigia  
 goshoñnanôi arô binikhôu khônashoñnanôi hôua gôdanni  
 raoni thakhôi bimainô roñjayô, bini khainô anni roñjanaianô  
 japhunbai.  
 30 Biha derlañnô nañgôu, bobekhani anha duilañnô nañgôu.  
 Shaniphrai phôinaia boinibô shayao. Haniphrai janaia  
 31 haniphrai arô haniphôrkhôu bunô. Nokhrañniphrai phôinaia



32 boinibô shayao. Bi nunai arô khônanaikhônô biô shakhi  
 33 hâyô, oblabô raobô bini shakhi hônai khôu laya. Bini  
 shakhi hônai khôu lagraya, Ishôra nongôu hônnanô, haikhô  
 34 bukhabei. Manôna Ishôrjôn thônhorjanaia Ishôrne ba-  
 thraphôrkhôu bunô, manôna Ishôra Jiukhôu shunanô  
 35 hâ. Biphaya Bisha hâuakhôu onô arô gashôikhôubô bini  
 36 akhaiao hôjôbbai. Bisha hâuakhôu phôthaigraha jôbnô  
 gôioi gôthan don, bobekhani Bisha hâuakhôu maniyôia  
 gôthan khôu nunô mônnaï nona, bobekhani Ishôrne bôrab-  
 naia bini shayao thayô."

### Shamariani hinjao

4 Phôrbua mithibla, Pharishaiphra khônabai môn, Jishua  
 Johonni khurôi banshin shôlôngraphôr khalamô arô bap-  
 2 thishma hâyô hônnanô,—oblabô Jishua gaonô bapthishma  
 3 hôakhôi, bobekhani bini shôlôngraphra shô',—obla biô Judai-  
 4 khôu galannanô arbao Galilao thanashôi. Biô Shamariani  
 5 gejerjôn thanô nanashôi. Bini khainô biô Jakhob gaoni  
 bishajla Joshebnô' ôrôinô hônai hu jiniao thanai Shamariani  
 6 Shukhar hônjanai mônshê nôgôrao thanashôi. Jakhobni  
 dôikhora biao don môn. Jishua thabaiôi' thabaiôi' meinnai  
 7 khai dôikhor jiniao joashôi. Mugadoni shô' môn. Shamariani  
 shashe hinjao dôï khaonô biao thanashôi. Jishua bikhôu  
 8 hônashôi : "Nôn annô' lônô hôdô !" Manôna bini shô-  
 lôngraphra janaiphôrkhôu bainô nôgôrao thanôn môn.  
 9 Obla Shamariani hinjaoa bikhôu hônashôi : "Nônô Judaiari  
 jananô mabôroi an shashe Shamariani hinjaoniao lônô  
 biô ?"—Manôna Judaiariphra Shamariariphôrjôn lôgô la-  
 10 jlaia.— Jishua bunphinnanô bikhôu hônashôi : "Nônô  
 Ishôrne ôrôinô hônai khôu arô, nôn annô' lônô hô hônnanô,  
 nônkhôu bungrakhôu mithigôu môn bla, nônô biniao bigôu  
 11 môn, arô biô nônnô' gôthan dôikhôu hôgôu môn." Hinjaoa

bikhôu hônashôi ! “Ô bigba, nônha khaogra gôia, arô dôi-  
 khora gôthôu. Obla nôn bi gôthan dôikhôu bobeniphrai  
 12 mônkhô? Dôikhorkhôu jônno’ hônai jônni apha Jakhobni  
 khurôi nônô dershin khôma? Arô biô gaonô, bini bishaphôr  
 13 arô bini môshôu môshaphra biniphrai lônnaï môn.” Jishua  
 14 bunphinnanôi bikhôu hônashôi : “Be dôikhôu lôngra sha-  
 phrômhabô ganphingôn, bobekhani an binô’ hôgôn dôikhôu  
 lôngra shaphrômhabô jôbthara jashe gantharnai nona, bobek-  
 khani an binô’ hôgôn dôia biniao jôbnô gôioi gôthanï thakhôi  
 15 bôhôngra dôimu jagôn.” Hinjaoa bikhôu hônashôi : “Ô  
 bigba, be dôikhôu annô’ hô, anhabô ganôi badi, an beao khao-  
 16 nôbô phôinaôi badi!” Biô bikhôu hônashôi : “Than, 17  
 nônni bishaikhôu linnanôi beao phôi!” Hinjaoa bunphin-  
 nanôi hônashôi : “Anha bishai gôia.” Jishua bikhôu hônashôi :  
 “Anha bishai gôia hônnanôi, nônô môjanôi bunbai.  
 18 Manôna nônha shaba bishaiphôr jabai môn, arô danô nônha  
 thanaiabô nônni bishai nona. Bikhôu nônô noingôuôi’ bunbai.”  
 19 Hinjaoa bikhôu hônashôi : “Ô bigba, an nuyô, nônô  
 20 shashe nabi hônnanôi. Jônni aphaphra be hajôao khulum-  
 nai môn, bobekhani nônshôrô hônô, manshiphôr khulumnô  
 21 nangôu jaigaya Jerushalemao don hônnanôi.” Jishua  
 bikhôu hônashôi : “Ô ai, ankhôu phôthai, jagôn mugayao  
 nônshôrô be hajôaobô Jerushalemaobô Biphakhôu khu-  
 22 lumnai nona. Nônshôr mithiyôikhôu nônshôirô khulumô.  
 Jôn mithinaikhôu jônô khulumô, manôna bôkhanaiia  
 23 Judaiariphôrniphrainô. Bobekhani mugaya janôshôi arô  
 danô don, obla noingôu khulumgraphra Biphakhôu jiu arô  
 noingôujôn khulumgôn. Manôna Biphayabô gaokhôu bebadï  
 24 khulumgraphôrkhôu naigirô. Ishôra Jiu, arô khulumgra-  
 25 phra jiu arô noingôujôn khulumnô nangôu.” Hinjaoa bikhôu  
 hônashôi : “Anô mithigôu, Khristho hônjanai Mashia phôi-  
 gôn hônnanôi. Biô phôibla, biô jônno’ gashôikhôu khôtha-

26 gôn." Jishua bikhôu hônashôi : "Nônjôn raijlainaia anô  
 27 binô." Oblanô bini shôlôngraphra shohôiashôi, arô biô  
 shashe hinjaojôn raijlainai khai, bishôrô shômô nanashôi.  
 Oblabô raobô hônakhôiashôi : "Nônô ma naigirdôn?"  
 28 Nonabla : "Nônô manô bijôn raijlaidôn?" Obla hinjaoa  
 gaoni dôihukhôu galañnanôi nôgôrao thañnanôi manshiphôr-  
 29 khôu hônashôi : "Phôi, an khalamnai manikhôu anô'  
 khôthanai manshikhôu naiphôi ! Biô Khristho khôma?"  
 30 Obla bishôrô nôgôrniphrai onkharnanôi biniao thañashôi.  
 31 Biaonô shôlôngraphra biniao khaolainanôi hônashôi : "Ô  
 32 guru, jadô !" Bobekhani biô bishôrkhôu hônashôi :  
 33 "Nônshôr mithiyôi janai munaphôr anha don." Bini khainô  
 shôlôngraphra gaojôn gao hônjlaiashôi : "Shôrba binô'  
 34 janaiphôrkhôu hôphôibai khôma?" Jishua bishôrkhôu  
 hônashôi : "Anni janaia benô : Ankhôu thônhorgrani gôshô  
 35 badi maonai arô bini habakhôu maojôbnaianô. Nônshôrô  
 hône khôma : Danbrôi donbaoô, obla hanai bôthôra jayô?  
 Nai, an nônshôrkhôu hônô : Nônshôrni mogonphôrkhôu  
 dikhañnanôi dubliphôrkhôu naihort, biphôrô hanañgôuni  
 36 thakhôi phurkhabai ! Hagraya mônnañgôukhôu mônô arô  
 jôbnô gôiôi gôthañni thakhôi phithai phuthumô, phôgraya  
 37 hagrajôn ronjaphanai badi. Manôna beaonô bathraya  
 38 noñgôu : Shashea phôyô, arô gubuna hayô. Nônshôr mao-  
 ôikhôu hanô an nônshôrkhôu thônhorbai. Gubunphra  
 maokhrubdôn, arô nônshôrô bishôrni maokhrubnaiaio habbai."  
 39 An khalamnai manikhôu biô anô' khôthabai hônnanôi,  
 hinjaoa shakhi hônai khai, bi nôgôrni gôbañ Shamariaphra  
 40 bikhôu phôthaiashôi. Bini khainô Shamariaphra biniao  
 thañbla, biô bishôrniao thathôn hônnanôi, bishôrô biniao  
 41 khaolaiashôi. Arô biô biao shannôi thayashôi, arô bini  
 42 khurôi banshin bini bathra khai phôthaiashôi, arô bishôrô  
 hinjaokhôu hônashôi : "Jônô danô nônni buñnai khai lo

phôthaia. Manôna jônô gaonô khônabai arô mithibai, benô nonthargôu shoñsharni bôkhangra hōnnanôï.”

### Galilao Jishuni mōnnôini hañkhô maonai

43-44 Shannôini unao biô biniphrai Galilao thañashôï. Manôna Jishua gaonô shakhi hôashôï, nabia gaoni biphani hadorao  
 45 man môna hōnnanôï. Bini khainô Jishua Galilao thañbla, biô Jerushalemao phorobao khalamnai manikhôu bishôrô nunai khai, Galilariphra bikhôu najaoashôï. Manôna bishôr  
 46 gaoshôrbô phorobao thañdôn môn. Obla biô arbao Galilni Khanayao thañashôï, biao biô dôikhôu drakha bidôï khalaiia' môn. Arô shashe rajani manshi Khapharnahumao don  
 47 môn, bini bishajlaya jobra môn. Biô Jishukhôu Judainiphrai Galilao phôinai khônabla, biô biniao thañnanôï khaolaiashôï, biô onkharnanôï gaoni bishajlakhôu shôkhanai  
 48 badi, manôna biô thôihan han môn. Obla Jishua bikhôu hōnashôï : “Nônshôr hañkhôphôr arô shômô nanthao thao  
 49 habaphôr nuabla, nônshôrô phôthaiharnai nona.” Rajani manshia bikhôu hōnashôï : “Ô Phôrbu, anni hōuasha gothoa thôia shayaonô onkhardô !” Jishua bikhôu hōnashôï :  
 50 “Than', nōnni nônshajlaya gôthañôinô don !” Manshia Jishu bikhôu hōnnai bathrakhôu phôthainanôï thañashôï.  
 51 Biô thañphunaiaonô bini lenphra bikhôu lôgô mōnnanôï, bini hōuasha gothoa gôthañôinô don hōnnanôï, binô' khô-  
 52 thayashôï. Obla biô, bobe mugayao biha hamjena' hōnnanôï, bishôrniao shōñashôï. Bishôrô bikhôu hōnashôï : “Mia  
 53 mugashniniao lômjanaia bikhôu nagarbai.” Obla biphaya mithiashôï, Jishua bi mugayaonô bikhôu hōna' môn :  
 “Nōnni nônshajlaya gôthañôinô don.” Arô biô gaonô arô bini nokhor mania phôthaiashôï. Jishua Judainiphrai  
 54 Galilao thañnanôï be mōnnôini hañkhôkhôu maobaoashôï.

**Betheshdayao shashe jobrakhôu shôkhanai**

**5** Bephôrne unao Judaiariphôrne phorob khuinshe jadôn  
**2** môn, arô Jishua Jerushalemao gakhôashôi. Jerushalemao  
mendani dorkhon jinao Ebraini raojôn Bethesda hônja-  
nai mônba khamshaliphôr gônân khorshe phukhri doño.  
**3** Biphôrao jobraphôr, khanaphôr, leingraphôr arô ranlannai-  
phôrne daphaya undushônânôi thanai môn. (Bishôrô dôini  
**4** shômaojanaikhôu lama nainai môn. Manôna Phôibuni  
shashe arpho bobeba bobeba bôthôrao phukhriao oñkhar-  
bônânôi dôikhôu shômaonai môn. Obla dôia shômaojanaini  
unao oñkhargrônaia, maba biarjôn shajablabô, gôkhrôn  
**5** janai môn). Khaotham bôshôrdân gaoni biarjôn shajanai  
**6** shashe manshi biao don môn. Jishua bikhôu undushônai  
nubla, arô biha gôbaoshôi jakhabai hônnanôi mithibla, biô  
bikhôu hônashôi: "Nônha gôkhrôn janô gôshô don?"  
**7** Jobraya bikhôu buñphinashôi: "Ô bigba, dôia shômao-  
jabla, phukhriao añkhôu oñkharhônô thakhôi aña manshi  
gôia. Bobekhani añ oñkharphunaiao gubun shashe añni  
**8** shigan oñkhargrôyô." Jishua bikhôu hônashôi: "Shikhañ,  
**9** nônni bôishañkhôu dikhañnanôi thabai!" Arô manshia  
thabnô gôkhrôn jayashôi arô gaoni bôishañkhôu dikhañnanôi  
**10** thabaiashôi. Bobekhani bi shanao jirainai shan môn. Bini  
khainô Judaiariphra shôkhajanaikhôu hônashôi: "Dinôi  
jirainai shan, arô nôñô bôishañkhôu ayen badi dikhañ-  
**11** nô naña." Biô bishôrkhôu buñphinashôi: "Añkhôu gôkhrôn  
khalaigraya añkhôu hândôn: Nônni bôishañkhôu dikhañ-  
**12** nanôi thabai!" Bishôrô biniao shônashôi: "Dikhañnanôi  
**13** thabai hônnanôi nôñkhôu hônnaï manshia shôr?" Bobe-  
khani shôkhajanaia, biô shôr hônnanôi, mithiakhôi môn.  
Manôna bi jaigayao daphashe thanai khai, Jishua erkhelandôn  
**14** môn. Bephôrne unao Jishua bikhôu gôthar noao mônnanôi  
bikhôu hônashôi: "Nai, nôñô gôkhrôn jabai, phap' dakha-

15 lamphin, maba gajrishin nôñha jayôi badi !” Obla manshia  
 thannanôi Judaiariphônô’ khôthayashôi, bikhôu gôkhrôn  
 16 khalainai Jishuanô hônnanôi. Biô biphôrkhôu jirainai  
 shanao khalainai khai, bini thakhôi Judaiariphra Jishukhôu  
 hôshôashôi.

**Gaoni maonaini thakhôi Jishuni raikhonai arô gaoni thakhôi  
 Ishôrni shakhi hônai**

17 Bobekhani biô bishôrkhôu buñphinashôi : “Anni Aphaya  
 18 da shim maoô, anô maoô.” Bini khainô Judaiariphra  
 bikhôu shitharnô hasthaishinashôi, manôna biô jirainai  
 shankhôu lolo shiphaiakhôi, bobekhani biô gaokhôu Ishôr  
 badi khalamôi’ khalamôi’ Ishôrkhôu gaoni Biphra hônai  
 19 môn. Obla Jishua buñphinnanôi bishôrkhôu hônashôi :  
 “Nonthargôu, nonthargôu an nôñshôrkhôu hônô : Bisha  
 hâuaya gaoni bôlôjôn muña muñshebô khalamnô haya, biô  
 Biphakhôu khalamnai nunô mônnaikhôu lo khalamô. Manôna  
 bi khalamnai maniphôrkhôunô Bisha hâuayabô bebadinô  
 20 khalamô. Manôna Biphaya Bisha hâuakhôu onô arô  
 gao khalamnai maniphôrkhôu binô’ dînthiô, arô biô  
 biphôrni khurôi dershin habaphôrkhôu binô’ dînthigôn,  
 21 nôñshôrô shômô nañnai badi. Manôna Biphaya gôthôiphôr-  
 khôu shikhanphinhônannôi phôthanô badi, bebadinô Bisha  
 22 hâuayabô gao gôshô janaiphôrkhôu phôthanô. Manôna  
 Biphaya raokhôubô bishar khalai, bobekhani biô Bisha  
 23 hâuannô’ bishar manikhôu hôbai, bishôrô Biphanô’ man hâyô  
 badi, boibô Bisha hâuannô’ man hônai badi. Bisha  
 hâuannô’ man hâyôia bikhôu thônhornai Biphanô’ man  
 hâa. Nonthargôu, nonthargôu an nôñshôrkhôu hônô :  
 24 Anni bathrakhôu khônashônannôi ankhôu thônornaikhôu  
 phôthaigraha jôbnô gôiôi gôthan doño, arô biô bisharao thaña,  
 25 bobekhani biô thônainiphrai gôthanao barshlaibai. Nonthar-

gôu, nonthargôu an nônshôrkhôu hônô : Jagôn arô đânô  
 jakhanaï mugayao gôthôiphra Ishôrni Bisha hâuani raokhôu  
 26 khônagôn, arô khônanaiphra thankhangôn. Manôna Biphaya  
 gaoniao gôthan gônân badi, bibadinô biô Bisha hâuânô'  
 27 gaoniao gôthan gônân janô hôbai. Arô biô Manshini bisha  
 hâuâ khai, biô bishar khalamnô thakhôi binô' bôlô hôbai.  
 28 Nônshôrô bini thakhôi shômô danañ, manôna jagôn mugayao  
 29 gôthôi hakhorphôrao thanai maniphra bini raokhôu khônâ-  
 gôn, arô môjanikhôu maographra gôthanñi shikhanphinnaïao,  
 gajrikhôu maographra bisharni shikhanphinnaïao oñkhargôn.  
 30 Anô gaoni bôlôjôn muña muñshebô khalamnô haya. Anô  
 khônanaï badi bishar khalamô, arô anñi bishara dhôrômia,  
 manôna anô gaoni gôshô janaikhôu naigira, bobekhani ankhôu  
 31 thônhorgrani gôshô janaikhôu shô ! An gaoni thakhôi shakhi  
 32 hâyô bla, anñi shakhi hônaiâ noñgôu noña. Gubun shashe  
 anñi thakhôi shakhi hâyô, arô anô mithigôu, anñi thakhôi  
 33 bini shakhi hônaiâ noñgôu hônnanôi. Nônshôrô Johonnïao  
 34 thônhora' môn, arô biô noñgôuni thakhôi shakhi hôđôn. Anô  
 manshiniphrai shakhi hônaiikhôu laya, bobekhani anô be-  
 35 phôrkhôu hônô, nônshôrô bôkhanjanai badi. Biô jônñai  
 arô môdannai dempho môn, arô nônshôrô dabôrshe bini  
 36 shrañao roñjanô gôshô jadôn môn. Bobekhani Johonni  
 shakhini khurôi anha dershin đôn. Manôna an biphôrkhôu  
 maojôbnai badi, Aphaya anñô' hônai habaphra, an maonai  
 habaphranô anñi thakhôi shakhi hâyô, Aphaya ankhôu  
 37 thônhorbai hônnanôi. Arô ankhôu thônhornai Aphaya  
 anñi thakhôi shakhi hôbai. Nônshôrô mablábabô bini  
 38 raokhôu khônayakhôibô bini mohorkhôu nuakhôibô, arô  
 bini bathraya gao gaoniao thaphlainai nônshôrha gôia, manôna  
 39 bi thônornaikhôu nônshôrô phôthaia. Nônshôrô gôthar  
 lirnaiphôrao phirt phirt naigirô, manôna biphôrao nônshôrha  
 jôbnô gôioi gôthan đôn hônnanôi, nônshôrô shanô. Arô

40 biphôr shô' anni thakhôi shakhi hâyô. Oblabô nônshôrô  
 41 gôthanhôu mônno thakhôi anniao phôinô gôshô jaya. Man-  
 42 shiphôrniphrai mankhôu laya añ, bobekhani añ nônshôr-  
 khôu mithigôu, gao gaoniao Ishôrni onnaia nônshôrha gôia  
 43 hōnnanô. Anô anni Aphani munôi phôibai, arô nônshôrô  
 ankhôu najaoa. Gubun shashe gaoni munôi phôibla, nôn-  
 44 shôrô bikhôu najaogôn. Nônshôrô mabôrôi phêthainô ha-  
 gôu? Nônshôrô gao gaoniphrai mankhôu lajlaiô, bobekhani  
 nônshôrô shashe lo Ishôrniphrai phôinai man hasthaia.  
 45 Nônshôrô dashan, añ nônshôrkhôu Aphaniao ergôn hōnnanô.  
 46 Nônshôrkhôu ergraya Mosheanô, biniao nônshôrô borsha  
 khalaibai. Manôna nônshôrô Moshekhôu phôthaibla, nôn-  
 shôrô ankhôubô phôthaigôu môn. Manôna biô anni munôi  
 47 lirdôn. Bobekhani nônshôrô bini lirnaphôrkhôu phôthai-  
 abla, obla nônshôrô mabôrôi anni bathraphôrkhôu phô-  
 thainô?"

### Hajarba hōuaphôrkhôu jahônai

6 Bephôrni unao Jishua Galilni Thiberiashni shagôr barôi'  
 2 thanashôi. Arô bôlô gôioiphôrni shayao bini maonai  
 hanhophôr nunai khai gedert daphashe bini un un than-  
 3 phayashôi. Bobekhani Jishua hajôao gakhôlaninanô biao  
 4 gaoni shôlôngraphôrjôn jophayashôi. Arô Judaiariphôrni  
 5 Phaskha phoroba khathishôi môn. Jishua mogonphôrkhôu  
 dikhanbla, biô gedert daphashekhôu gaoniao phôinai nunanô  
 Philibkhôu hōnashôi : "Jônô bobeniphrai shithaophôr bainô,  
 6 bishôrô janô mônnai badi?" Bobekhani biô bikhôu anjart  
 nainô thakhôi bikhôu hōna' môn. Manôna ma khalamnô,  
 biô gaonô mithigôu môn. Philiba bikhôu bunphinashôi :  
 7 "Shaphrômbô epha epha mônno thakhôi denar jōunôini  
 shithaoa bishôrnô' thōa." Bini shôlôngraphôrni shashe



8 Shimon Phethorni phonbai Andreasha bikhôu hônashôï :  
 9 "Beao jobni shithao gurba arô na manôï gônai shashe  
 hâuasha gotho don. Bobekhani biphôrô eshebañni thakhôï ma  
 10 janô?" Jishua hônashôï : "Manshiphôrkhôu unduglemnhô!"  
 Bi jaigayao bimainô gañshô don môn. Obla bishôrô  
 unduglemashôï, hâuaphra shanthumnaiao hajarba shô' môn.  
 11 Obla Jishua shithaophôrkhôu layashôï, arô hambai hôn-  
 nanôï unduglemnaiphôrno' rannanôï hôashôï, bebadinô  
 12 naphôrniphraibô, bishôr gôshô jajashe. Arô bishôrha udôi  
 bunjôbbla, biô gaoni shôlôngraphôrkhôu hônashôï : "Aglai-  
 nai gundra gundriphôrkhôu phuthum, ishebô adri jayôï  
 13 badi!" Obla bishôrô phuthumashôï, arô bishôrô bi jobni  
 gurba shithaophôrniphrai jakhanai manshiphôrniphrai aglai-  
 nai gundra gundriphôrjôn kaoshe khadanôï shôphuña-  
 14 shôï. Obla manshiphra bini maonai hañkhôkhôu nunanôï  
 hônashôï : "Benô nonthargôu shoñsharao phôigôn nabianô."  
 15 Jishua mithibla, bishôrô thañnanôï bikhôu raja phojonô  
 thakhôï bra bra homnô hasthaidôn, obla biô arbao hashinôï  
 hajôao thañashôï.

### Shagôr sha sha thabainai

16 Bobekhani mônabili jabla, bini shôlôngraphra shagôrao  
 17 onkharlañashôï, arô bishôrô naoao gakhônanôï Khapharna-  
 humni thinôï shagôrkhôu barnô homashôï. Bobekhani khôm-  
 shi jakhabai môn, arô Jishua bishôrniao shohôithoakhôï môn,  
 18 arô shagôra gôbrap' bar barnaijôn gurlap' guthap' jadôn  
 19 môn. Sheoashe nonabla sheoanôï jaolanbla, bishôrô Jishu-  
 khôu shagôr sha sha thabainai arô naoni khathiao phôinaï  
 20 nuashôï, arô bishôrô giashôï. Bobekhani biô bishôrkhôu  
 21 hônashôï : "An shô', nonshôrô dagi!" Obla bishôrô bikhôu  
 naoao najaonô gôshô jayashôï, arô naoa thabnô bishôr thañgôn  
 hadorao shohôishôï.

**Gôthanni shithao**

- 22 Nokha nainanôî shagôr barôi' goshoñnai daphaya nudôn môn, goñshe naokhâu nagarnanôî biao gubun nao gôia môn, arô Jishua gaoni shôlôngraphôrjôn be naoao gakhôphayakhôi môn, bobekhani bini shôlôngraphra lo thanđôn môn hônnanôî.
- 23 Bobekhani gubun gubun naophôr Thiberiashniphrai, Phôrbua hambai hônnaïni unao bishôr shithaokhâu janai jaigani
- 24 khathiao shohôiashôi. Bini khainô daphaya nubla, Jishua arô bini shôlôngraphra biao gôia môn hônnanôî, bishôr gaoshôrnô' naophôrao gakhônânôî Khapharnahumao Jishu-
- 25 khâu naigirnô thanashôi. Arô bikhâu shagôr barôi' mônnanôî bishôrô bikhâu hônashôi : "Ô guru, nônô mabla beao phôi-
- 26 khô?" Jishua bunphinnanôî bishôrkhâu hônashôi : "Nonthargôu, nonthargôu an nônshôrkhâu hônô : Nônshôr han-khôphôr nunô mônnaï khai, nônshôrô ankhâu naigira, bobekhani nônshôr shithaophôrniphrai jananôî udôi bunnaï khai
- 27 shô'. Adri janai janaini thakhôi damao, bobekhani jôbnô gôiôi gôthan shim thanai janaini thakhôi shô' ! Manshini bisha hâuaya nônshôrnô' bikhâuunô hógôn, manôna Apha
- 28 Ishôra biniao han-khô bubai." Obla bishôrô bikhâu hônashôi : "Ishôrni habaphôrkhâu maonô thakhôi jônô ma khalamnô?"
- 29 Jishua bunphinnanôî bishôrkhâu hônashôi : "Ishôrni habaya benô, nônshôrô bi thônhornai khâuunô phôthaiô hônnanôî."
- 30 Bini khainô bishôrô bikhâu hônashôi : "Obla nônô ma han-khô maoô, jônô nunanôî nônkhâu phôthainai badi? Nônô ma
- 31 maoô?" Jônni aphaphra phôtharao mannakhâu janai môn, lirjaya' môn badi : Biô janô thakhôi bishôrnô' nokhrañ-
- 32 niphrai shithao hônai môn." Obla Jishua bishôrkhâu hônashôi : "Nonthargôu, nonthargôu an nônshôrkhâu hônô : Moshea nônshôrnô' nokhrañniphrai shithao hôakhôi, bobekhani anni Aphaya nônshôrnô' nokhrañniphrai noñgôu

33 shithaokhôu hâyô. Manôna Ishôrni shithaoanô nokhrañni-  
 34 phrai onkharbônânô shoñsharnô' gôthañkhôu hâyô." Obla  
 bishôrô bikhôu hônashôî : "Ô Phôrbu, lagarbô jônô' be  
 35 shithaokhôu hódô !" Jishua bishôrkhôu hônashôî : "Annô  
 gôthañni shithaoa. Anniao phôinaîha ukhôitharnai noña,  
 arô ankhôu phôthaigraha mablababô gantharnai noña.  
 36 Bobekhani an nônshôrkhôu hônbai : Nônshôrô ankhôu  
 37 nunanôîbô phôthaia. Aphaya annô' hônai mania anñiao  
 phôigôn, arô anñiao phôinaikhôu anô garontharnai noña.  
 38 Manôna anô gaoni gôshô badi khalamnô thakhôî noña, bobek-  
 khani ankhôu thônhorgrani gôshô badi khalamnô thakhôî  
 39 nokhrañniphrai onkharbôbai. Arô ankhôu thônhorgrani  
 gôshôa benô : Biô annô' hônai manini munbô anô khômâyôî  
 badi, bobekhani anô jôbnai shanao bikhôu dikhangôn.  
 40 Manôna anñi Aphani gôshôa benô : Bisha hâuakhôu nugra  
 arô phôthaigra shaphrômbô jôbnô gôîôî gôthañkhôu mônthôn  
 hônnanôî, arô anô jôbnai shanao bikhôu dikhangôn." Annô  
 41 nokhrañniphrai onkharbônai shithaoa hônnanôî, biô bunai  
 42 khai, Judaiariphra bini shayao khudriashôî. Arô bishôrô  
 hônashôî : "Benô Joshebni bishajla Jishu noña khôma?  
 Jônô bini bima biphakhôu mithigôu. Biô danô mabôrôî  
 43 bunô : Anô nokhrañniphrai onkharbôbai?" Jishua bun-  
 phinnanôî bishôrkhôu hônashôî : "Gao gaoniao dakhudri !  
 44 Ankhôu thônhornai Aphaya bikhôu bôabla, raobô anñiao  
 phôinô haya. Arô an jôbnai shanao bikhôu dikhangôn.  
 45 Nabiphôrniao lirnai don : "Arô bishôrô boîbô Ishôrjôn  
 phôrônjanai jagôn." Biphaniphrai khônanaî arô shôlônnaî  
 46 shaphrômbô anñiao phôîô. Shôrba Aphakhôu nubai, be noña,  
 47 Ishôrniphrai janaia lo Aphakhôu nubai. Nonthargôu, non-  
 thargôu an nônshôrkhôu hônô : Phôthaigraha jôbnô gôîôî  
 48-49 gôthañ don. Annô gôthañni shithaoa. Nônshôrni nômpa-  
 50 phra phôtharao manna jananôî thôinaî môn. Benô nokhrañni-

phrai oñkharbônai shithaoa, shôrba biniphrai jananôî thôîôi  
 51 badi. Añnô nokhranniphrai oñkharbônai gôthanôî thanai  
 shithaoa. Shôrba be shithaoniphrai jabla, biô jôbthara  
 jashe gôthanôînô thagôn. Arô an shônsharni gôthanî  
 52 thakhôi hōgôn shithaoa añni bedort.” Bini khainô Judai-  
 ariphra gaojôn gao nanjlainanôî hōnashôî : “Biô mabôrôî  
 53 jônô’ gaoni bedorkhōu janô hōnô hagôu?” Obla Jishua  
 bishôrkhōu hōnashôî : “Nonthargôu, nonthargôu an nōn-  
 shôrkhōu hōnô, nōnshôrô Manshini bisha hōuani bedorkhōu  
 jayabla arô bini thôikhōu lônabla, gao gaoniao nōnshôrha  
 54 gôthana gôia hōnnanôî. Añni bedorkhōu jagra arô añni  
 thôikhōu lōngraha jôbnô gôîôi gôthana don, arô añô jôbnai  
 55 shanao bikhōu dikhangôn. Manôna añni bedora noñgôu  
 56 janai, arô añni thôia noñgôu lōnnai. Añni bedorkhōu jagra  
 arô añni thôikhōu lōngraya añniao thayô, añbô biniao.  
 57 Gôthanôî thanai Aphaya añkhōu thōnhora’ môn badi, añbô  
 Aphajôn gôthanôînô donô badi, bibadinô añkhōu jagrayabô  
 58 añjôn gôthanôînô thagôn. Benô nokhranniphrai oñkhar-  
 bônai shithaoa, biphaphra jananôî thôilana’ môn badi noña.  
 Be shithaokhōu jagraya jôbthara jashe gôthanôînô thagôn.”  
 59 Bephôrkhōu biô khulumgra noao, Khapharnahumao phôrôn-  
 nanôî buñdôn môn.

### **Manshiphōrni shôukthunai. Phethorni shiman lanai**

60 Obla bini shôlōngraphôrni gôbana khōnananôî hōnashôî :  
 “Be bathraya gôra. Shôr bikhōu khōnashonô hagôu?”  
 61 Bobekhani Jishua gaoniao mithibla, bini shôlōngraphra be  
 bathrani thakhôi khudridôn hōnnanôî, obla biô bishôrkhōu  
 62 hōnashôî : “Beô nōnshôrkhōu shôukthuhôyô na ma? Obla  
 nōnshôrô Manshini bisha hōuakhōu gaoni shiganî thanaiao  
 63 gakhônai nubla lai? Jiuanô phôthangra, bedora munbô  
 udaia. An nōnshôrnô’ hōnnai bathraphra jiu arô gôthani.

64 Bobekhani nônshôrne shôrba shôrba phôthaia." Manôna  
 phôthaiôiphra shôr shôr, arô bikhôu gothaigônânô shôr  
 65 hônnanô, Jishua jajennainiphrai mithidôn môn. Arô biô  
 hônashô: "Bini khainô an nônshôrkhôu bunbai, Biphajôn  
 binô' hôjayabla, raobô anniao phôinô haya hônnanô.  
 66 Oblaniphrai bini shôlôngraphôrne gôbana unphinashô arô  
 67 bijôn thabaibaophayakhôishô. Bini khainô Jishua kaoshe  
 shanôikhôu hônashô: "Nônshôrbô thangarnô gôshô jayô?"  
 68 Shimon Phethora bikhôu bunphinashô: "Ô Phôrbu, jônô  
 shôrniao thanô? Nônha jôbnô gôioi gôthanni bathra-  
 69 phôr don. Arô jônô phôthainô arô mithinô mônbai, nônno  
 70 Ishôrne gôtharanô hônnanô." Jishua bishôrkhôu bun-  
 phinashô: "An nônshôr kaoshe shanôikhôu shaikhoa-  
 khôu khôma? Oblabô nônshôrne shashea môdai." Biô  
 71 Shimon Iskhariothni bishajla Judashni thakhôu bunashô.  
 Manôna biô kaoshe shanôini shashe jablabô, biô bikhôu  
 gothainôshô môn.

### Môsha galgabni phorobao Jishuni thannai

7 Bephôrne unao Jishua Galilao thabaigdinashô. Manôna  
 Judaiariphra bikhôu shitharnô hasthainai khai, biô Judaiào  
 2 thabaigdinô gôshô jayakhôishô. Bobekhani Judaiariphôr-  
 3 ni Môsha galgabni phoroba khathishô môn. Bini khainô  
 bini phonbaiphra bikhôu hônashô: "Beniphrai onkharnanô  
 Judaiào than', nônni shôlôngraphrabô nôn maonai habaphôr-  
 4 khôu nunô mônnai badi. Manôna raobô muibô shrôthô'  
 maoa arô gaonô didayô' thanô hasthaiô. Nônô bephôrkhôu  
 5 khalambla, shônsharnô' gaokhôu dinti!" Manôna bini  
 6 phonbaiphrabô bikhôu phôthaiakhôu môn. Obla Jishua  
 bishôrkhôu hônashô: "Anni bôthôra dabô jathoakhôu,  
 7 bobekhani nônshôrne bôthôra lagarbô tham thim. Shôn-  
 shara nônshôrkhôu mugôinô haya, bobekhani biô ankhôu

mugôiô, manôna anô bini shayao shakhi hâyô, bini habaphra  
 8 gajri hōnnanô. Nōnshôrô phorobao gakhôlan, anô dabô  
 be phorobao gakhôlana, manôna anni bôthôra dabô japhun-  
 9 thoakhôi." Bishôrnô' bephôrkhôu buñnanô biô Galilao  
 10 thayashôi. Bobekhani bini phonbaiphra phorobao gakhô-  
 lanbla, obla biô gaobô didayôi' noña, bobekhani shrôthôi'  
 11 gakhôlanashôi. Obla Judaiariphra bikhôu phorobao nai-  
 12 girnanô hōnashôi : "Biô bôuha?" Arô bini thakhôi  
 daphaphôrni gejerao bimainô beden budun rajlainai  
 jadôn môn. Shôrba shôrba hōnashôi : "Biô gaham."  
 Gubunphra hōnashôi : "Noña, bobekhani biô daphakhôu  
 13 andaihôyô." Bobekhani Judaiariphôrkhôu ginai khai raobô  
 bini thakhôi thalayôinô buñakhôishôi.

### Jishuni phôrônai

14 Phorobni gejer nankhanaiaio Jishua gôthar noao gakhôlan-  
 15 nanô phôrônashôi. Obla Judaiariphra shômô nannanô  
 hōnashôi : "Biô shôlônalaba mabôroi gôthar linaiphôrkhôu  
 16 rôngôu?" Jishua buñphinnanô bishôrkhôu hōnashôi :  
 "Anni phôrônnaia anni noña, bobekhani ankhôu thōnhor-  
 17 grani shô'. Shôrba Ishôrni gôshô badi khalamnô gôshô  
 jabla, biô phôrônnaia thakhôi mithigôn, biô Ishôrniphrai,  
 18 noñabla anô gaoni bôlôjôn buñô hōnnanô. Gaoni bôlôjôn  
 buñgraya gaoni mankhôu hasthaiô. Bobekhani gaokhôu  
 thōnhorgrani mankhôu hasthaigraya nongôu, arô biniao  
 19 inai gôia. Moshea nōnshôrnô' ayenkhôu hōakhôi khôma?  
 Arô nōnshôrni raobô ayen badi maoa. Nōnshôrô manô  
 20 ankhôu shitharnô' hasthaiô?" Daphaya buñphinashôi :  
 "Nônô môdai gōnan ! Shôr nōnkhôu shitharnô hasthaidôn?"  
 21 Jishua buñphinnanô bishôrkhôu hōnashôi : "Anô mônshe  
 haba maobai, arô nōnshôrô boibô bini thakhôi shômô nanô.  
 22 Moshea nōnshôrnô' bigur hanaikhôu hōbai,—biô Moshe-

niphrai, jabai be noña, bobekhani biphaphôrniphrai shô'—  
 arô nôñshô rô jirainai shanao manshikhôu bigur hayô. Mosheni  
 23 ayena shiphaijayôi badi, manshia jirainai shanao bigur  
 hanaikhôu najaobla, an jirainai shanao manshi manikhôu  
 24 gôkhrôn khalamnai khai, nôñshô rô ankhôu bôrabô ? Sha sha-  
 jran nainanôi bishar dakhalam, bobekhani dhôrômia bishar  
 25 khalam !” Obla Jerushalemariphôrni shôrba shôrba hônashô  
 shôi : “Bishôr shitharnô hasthainai manshia benô noña  
 26 khôma ? Arô nai, biô thalayôinô bunô, arô bishô rô bikhôu  
 munbô buña. Gôraphra noñgôuôi' mithinô mônbai khôma,  
 27 benô Khristho hônnanôi ? Bobekhani biô bobeniphrai  
 phôibai hônnanôi, jônô mithigôu. Bobekhani Khristhoa  
 phôibla, biô bobeniphrai hônnanôi, raobô mithinai noña.”  
 28 Obla Jishua gôthar noao phôrônôi' phôrônôi' gabjrinanôi  
 hônashôi : ‘Nôñshô rô ankhôu mithigôu, arô anô bobeni-  
 phrai, nôñshô rô bikhôubô mithigôu. Arô anô gaoni gôshô  
 badi phôiaakhôi, bobekhani ankhôu thônhorgraya noñgôu,  
 29 nôñshô rô bikhôu mithia. Anô bikhôu mithigôu, manôna  
 30 anô biniphrai, arô biô ankhôu thônhorbai.’ Bini khainô  
 bishô rô bikhôu homnô hasthaiashôi, oblabô raobô bini shayao  
 akhai hôakhôishôi, manôna bini mugaya oblabô jathoakhôi  
 31 môn. Bobekhani daphani gôbaña bikhôu phôthainanôi  
 hônashôi : “Khristhoa phôibla, biô be maonaini khurôi  
 banshin hankhôphôr maogôn khôma ?”

### **Pharishaiphôrni Jishukhôu homnô hasthainai**

32 Pharishaiphra daphakhôu bini shayao bephôrkhôu beden  
 budun rainai khônayashôi, arô dôuri gederphôr arô Phari-  
 shaiphra bikhôu homnô thakhôi thandôiphôrkhôu thôn-  
 33 horashôi. Obla Jishua hônashôi : “Anô dabôrshe nôñshô rô-  
 jôn lôgôshe thabaogôn, biniphrai anô ankhôu thônhorgraniao  
 34 thangôn. Nôñshô rô ankhôu naigirgôn, bobekhani mônnai

35 noña. Arô an thanaiao nônshôrô thannô haya." Obla  
 Judaiariphra gaojôn gao hônjlaishôi : "Biô bôuha thannô nai-  
 girdôn, jônô bikhôu mônôi badi? Biô lether phether janai  
 Grikphôrni gejerao thannanôi Grikphôrkhôu phôrônno  
 36 hasthaiô khôma? Nônshôrô ankhôu naigirgôn, bobekhani  
 mônmai noña, arô an thanaiao nônshôrô thannô haya hônna-  
 37 nô, bi hônna bathraya ma?" Phorobni jôbnai gedert shan-  
 ao Jishua goshoñnanôi gabjrinanôi hônashôi ! "Shôrhaba  
 38 gândônbla, biô anniao phôinanôi lônthôn ! Ankhôu phôthai-  
 graya, gôthar lirmaia buña' môn badi, bini shinaoniphrai  
 39 gôthan dôini dôimaphra bôhôiğôn." Bikhôu phôthaigra-  
 phôr najaonôshôi Jiuni thakhôi biô bikhôu bunashôi !  
 Manôna Jiua oblabô hôjathoakhôi môn, manôna Jishua  
 40 oblabô shomaihôjayakhôi môn. Obla daphani shôrba shôrba  
 bi bathraphôrkhôu khônananôi hônashôi : "Nongôu benô  
 41 bi nabianô." Gubunphra hônashôi : "Benô Khristhoa." Bobe-  
 khani shôrba shôrba hônashôi : "Khristhoa obla Galil-  
 42 niphrai phôiğôn khôma?" Khristhoa Davidni jôlôiniphrai  
 arô David thanai gami Bethlehemniphrai phôiğôn hônnanôi,  
 43 gôthar lirmaia bunakhôi khôma?" Bini khainô daphani  
 44 gejerao bini thakhôi gaojlainai jayashôi. Bishôrni shôrba  
 shôrba bikhôu homnô gôshô jadôn môn, bobekhani raobô  
 45 bini shayao akhaiphôr hôakhôiishôi. Obla thandôiphra dôuri  
 gederphôr arô Pharishaiphôrniao thanashôi, arô bishôrô  
 bishôrkhôu hônashôi : "Nônshôrô bikhôu manô labôakhôi?"  
 46 Thandôiphra bunphinashôi : "Be manshi buñnai badi raobô  
 47 mablababô bunpherakhôi." Obla Pharishaipra bishôrkhôu  
 48 bunphinashôi : "Nônshôrbô andaibai khôma? Gôraphôrni  
 noñabla Pharishaiphôrni shôrba bikhôu phôthaibai khôma?  
 49 Bobekhani ayenkhôu mithiyôi bi daphaya shao hôjagra!"  
 50 Bishôrni shashe, biniao thangrônai Nikhodema bishôrkhôu  
 51 hônashôi : "Biniao khônashongrôabla, arô biô ma maôô



hônnanôï, mithiabla, jônni ayena manshikhôu bishar khalamô  
 52 khôma? Bishôrô bikhôu bunphinnanôï hônashôï : “Nônibô  
 Galilari khôma? Phirt phirt naigirnanôï naidô, Galilniphrai  
 53 nabi jakhaña hônnanôï!” (Arô bishôrô shaphrômbô gao  
 gaoni noao thanashôï.

### Jinahario homjanai hinjao

8 1-2 Bobekhani Jishua Jôithun hajôao thanashôï. Arô phuñ-  
 jani biô gôthar noao thanbaoashôï, arô hadorni manshi-  
 phôr mania biniao thanashôï, arô jonanôï biô bishôrkhôu  
 3 phôrônashôï. Gôthar lirnai gôrônphôr arô Pharishaiphra  
 jinahario homjanai shashe hinjaokhôu biniao lannanôï  
 4 bikhôu gejerao phoshoñashôï. Bishôrô bikhôu hônashôï :  
 “Ô phôrôngra, be hinjaoa jinahari khalamphunaiiao homjabai.  
 5 Moshea ayenao bebadiphôrkhôu onthaijôn khubôitharnô  
 6 jônkhôu thônđôn. Obla nônô ma hônô?” Bikhôu anjart  
 nainô thakhôï bishôrô bikhôu hônashôï, bishôrô bikhôu ernô  
 mônnaï badi. Bobekhani Jishua goñnanôï ashijôn hayao  
 7 lirnô homashôï. Bishôrô biniao shônbai thabla, biô nai-  
 gdaonanôï bishôrkhôu hônashôï : “Nônshôrni gejerni phap’  
 8 gôitharôia bikhôu onthaijôn khubôigrôthôn!” Arô gon-  
 9 baonanôï biô hayao lirnô homashôï. Bobekhani bikhôu  
 khônananôï bishôrô bôrainiphrai jôbnai shim shapha shapha  
 onkharlanashôï, arô Jishu arô gejerao thanai hinjaoa hashin-  
 10 ôi galañjayashôï. Obla Jishua naigdaonanôï bi hinjaokhôu  
 hônashôï : “Ô ai, bishôrô bôuha, raobô nônkhôu dushiakhôï-  
 11 shôï?” Biô hônashôï : “Ô Phôrbu, raobô dushiakhôï.”  
 Jishua hônashôï : “Añbô nônkhôu dushia, thanđô, daniphrai  
 phap’ dakhalamphin !”)

### Jishua shoñsharni shrañ

12 Jishua arbao bunnanôï bishôrkhôu hônashôï : “Añnô shoñ-  
 sharni shraña. Añni un un phôigraya khômshiao thabainai

**13** noña, bobekhani biô gôthaini shrañkhôu môngôn." Obla  
 Pharishaiphra bikhôu hônashôî : "Nônô gaoni tha-  
 khôi gaonô shakhi hâyô. Nônîni shakhi hônaiia noñgôu  
**14** noña." Jishua bunphinnanôî bishôrkhôu hônashôî : "Anô  
 gaoni thakhôi gaonô shakhi hôblabô, añni shakhi hônaiia  
 noñgôu, manôna an bobeniphrai phôidôn arô bobeaô thanô  
 hônnanôî, anô mithigôu, bobekhani an bobeniphrai phôibai  
**15** noñabla bobeaô thanô hônnanôî, nônshôrô mithia. Nôn-  
 shôrô bedorni badi bishar khalamô, bobekhani anô rao-  
**16** khôubô bishar khalama. Arô anô bishar khalamblabô,  
 añni bishara noñgôu, manôna anô hashiñôî noña, bobekhani  
**17** anô ankhôu thônhorgrayabô lôgôshe. Nônshôrni ayenaobô  
 lirnai don, shanôî manshiphônîni shakhi hônaiia noñgôu hônna-  
**18** nôî. Anô gaoni thakhôi gaonô shakhi hâyô, ankhôu thôn-  
**19** hornai Aphayabô añni thakhôi shakhi hâyô." Obla bishôrô  
 bikhôu hônashôî : "Nônîni Nômphaya bôuha?" Jishua  
 bunphinashôî : "Nônshôrô ankhôubô añni Aphakhôubô  
 mithia. Nônshôrô ankhôu mithigôu môn bla, nônshôrô añni  
**20** Aphakhôubô mithigôu môn. " Biô gôthar noao phôrônôî'  
 phôrônôî' phaisha dôngra kothani khathiao bi bathraphôrk-  
 hôu hônashôî. Arô raobô bikhôu homakhôishôî, manôna  
 bini mugaya oblabô jathoakhôî môn.

### Phôthaiôiphra phabao thôigôn

**21** Biô arbao bishôrkhôu hônashôî : "Anô thannôshôî, arô  
 nônshôrô ankhôu naigirgôn, bobekhani nônshôrô gao gaoni  
**22** phabao thôigôn. An thangônao, nônshôrô thannô haya." Obla  
 Judaiariphra hônashôî : "Biô gaokhôu shithargôn khôma,  
 manôna biô hônô : An thangônao, nônshôrô thannô  
**23** haya?" Arô biô bishôrkhôu hônashôî : "Nônshôrô shiñao-  
 niphrai, bobekhani anô shayaoniphrai. Nônshôrô be shoñ-  
**24** sharni, anô be shoñsharni noña. Bini khainô anô nônshôrkhôu

hônbai, nônshôrô gao gaoni phapphôrao thôigôn hônnanôi.  
 Manôna nônshôrô, anô binô hônnanôi, phôthaiabla, nônshôrô  
 gao gaoni phapphôrao thôigôn.” Obla bishôrô bikhôu hōna-  
 25 shôi : “Nônô shôr?” Jishua bishôrkhôu hōnashôi : “Jajen-  
 26 nainiphrai an nônshôrkhôu hōnnaianô kha.” Nônshôrni  
 thakhôi buinô arô bishar khalainô anha bimainô don.  
 Bobekhani ankhôu thônhorgraya noingôu, arô an biniao  
 27 khōnanaiphôrkhounô shoisharnô' buinô.” Bishôrô mithiakhôi,  
 28 biô Biphani thakhôi bishôrkhôu buina' môn hōnnanôi. Obla  
 Jishua hōnashôi. “Nônshôrô Manshini bisha hōuakhôu dikhañ-  
 bla, nônshôrô, anô binô hōnnanôi, mithigôn, arô anô gaoni  
 bôlôjôn munbô khalama, bobekhani Aphaya ankhôu phôrôna'  
 29 môn badi, an bephôrkhôu hōnô. Arô ankhôu thônhorgraya  
 anjôn lôgôshe. Biô ankhôu hashinôi galañakhôi, manôna-  
 30 an binô' hamjanaiphôrkhôu lagarbô khalamô. Biô bephôr-  
 khôu buinphunaiiao gôban bikhôu phôthaiashôi.

### **Phôthainai Jishuniphôrkhôu gohōjanai khalamgôn**

31 Obla Jishua gaokhôu phôthainai Judaiariphôrkhôu hōna-  
 shôi : “Nônshôrô anni bathrayao thaphlaibla, nônshôrô  
 32 nonthargôu anni shôlôngraphôr, arô nônshôrô noingôukhôu  
 mithigôn, arô noingôua nônshôrkhôu gohōjanai khalamgôn.”  
 33 Bishôrô bikhôu buinphinashôi : “Jônô Abrahamni jôlôi,  
 arô jônô mablababô raoniaobô len bôiaakhôi. Nônô mabôrôi  
 34 hōnô : Nônshôrô gohōjanai jagôn?” Jishua bishôrkhôu  
 buinphinashôi : “Nonthargôu, nonthargôu an nônshôrkhôu  
 35 hōnô : Phap' khalaigra shaphrômbô phabni len. Bobe-  
 khani lena jôbthara jashe noao thay, bisha hōuaya jôbthara  
 36 jashe thayô. Bini khainô Bisha hōuaya nônshôrkhôu gohō-  
 37 janai khalamô bla, nônshôrô goma ma gohōjanai jagôn. An  
 mithigôu, nônshôrô Abrahamni jôlôi hōnnanôi. Bobekhani  
 anni bathraya nônshôrniao jaiga mônôi khai, nônshôrô an-

38 khôu shitharnô hasthaiô. An Aphaniao nunaiphôrkhôu  
 anô hônô, nônshôrbô nônshôrni nômphaniao khônanaiphô-  
 39 khôu khalamô !" Bishôro buñphinnanôï bikhôu hônashôï :  
 "Abrahama jônï apha." Jishua bishôrkhôu hônashôï :  
 "Nônshôro Abrahamni bishaphôr jabla, nônshôro Abrahamni  
 40 habaphôrkhôu maogôu môn. Bobekhani nônshôro danô  
 ankhôu, an Ishôrniao khônanaï noñgôukhôu nônshôrnô'  
 khôthanai manshikhôu shitharnô hasthaiô. Abrahama  
 41 bebadikhôu khalamakhôï. Nônshôro nônshôrni nômphani  
 habaphôrkhôu maoô." Bishôro bikhôu hônashôï : "Jônô  
 bishai hagra khanaijôn sharijayakhôï, jônha shashe lo apha,  
 42 biô Ishôr." Jishua bishôrkhôu hônashôï : "Ishôra nôn-  
 shôrni nômpha jabla, nônshôro ankhôu ongôu môn. Manôna  
 anô Ishôrniphrai onkharnanôï phôïbai. Manôna an gaoni  
 bôlôjôn phôïakhôï, bobekhani biô ankhôu thônhorbai.  
 43 Nônshôro manô anni buñnaikhôu mithia? Nônshôro anni  
 44 bathrakhôu khônashonô hayôï khai shô'. Nônshôro nôn-  
 shôrni nômpha Môdainiphrai, arô nônshôro nônshôrni nômpha-  
 ni lubôinaiphôrkhôu khalamnô gôshô jayô. Biô jajennaini-  
 phrai manshi shithargra môn, arô biô noñgôuao thaya,  
 manôna noñgôua biniao gôïa. Biô noñkhaikhôu bunô bla,  
 biô gaoniphôrniphrai bunô, manôna biô noñkhai raigra arô  
 45 noñkhaini bipha. Bobekhani annô noñgôukhôu buñnai khai,  
 46 nônshôro ankhôu phôthaia. Nônshôrni gejerào shôr ankhôu  
 phaphi hônnanôï raithithenô hagôu? Anô noñgôukhôu  
 47 bunô bla, nônshôro manô ankhôu phôthaia? Ishôrniphrai  
 janaia Ishôrni bathraphôrkhôu khônashonô. Nônshôro  
 Ishôrniphrai jayôï khai, nônshôro khônashonô."

**Judaiariphôrni Jishukhôu gushuthi phennai.**

**Jishua gaoni thakhôï shakhi hônai**

48 Judaiariphra buñphinnanôï bikhôu hônashôï : "Nônô  
 Shamariari arô môdai gônai hônnanôï, jônô môjanôï buña

49 khôma?" Jishua buñphinashôi : "Anô môdai gônai noña,  
 bobekhani anô anñi Aphanô' man hâyô, arô nônshôrô an-  
 50 khôu man gôiôi khalamô. Anô gaoni shomainaikhôu hasthaia.  
 51 Shashea bikhôu hasthaiô arô bishar khalamô. Nonthargôu  
 nonthargôu an nônshôrkhôu hônô : Shôrba anñi bathrakhôu  
 maniô bla, biô jôbthara jashe thôinaikhôu nutharnai noña."  
 52 Judaiariphra bikhôu hônashôi : "Nônô môdai gônai hônna-  
 nôi, jônô danô mithibai. Abraham arô nabiphra thôilañbai,  
 arô nônô hônô : Shôrba anñi bathrakhôu maniô bla, biô  
 53 jôbthara jashe thôinaikhôu shakhinai noña. Nônô jônñi  
 apha Abrahamni khurôi dershin khôma? Biô thôibai, arô  
 nabiphra bô thôibai. Nônô gaokhôu shôr khalamô?"  
 54 Jishua buñphinashôi : "Anô gaokhôu shomaihôyô bla, anñi  
 shomainaia muñbô noña. Biô jônñi Ishôr hônnanô, nônshôr  
 55 buñnai anñi Aphaya ankhôu shomaihôyô, arô nônshôrô  
 bikhôu mithia, bobekhani anô bikhôu mithigôu, arô an  
 bikhôu mithia hônnanô, an buñô bla, an nônshôr badinô  
 nonkhai raigra jagôu môn. Bobekhani anô bikhôu mithigôu  
 56 arô bini bathrakhôu maniô. Nônshôrni nômpa Abrahama  
 anñi shankhôu nainô thakhôi bajlodôn môn, arô nunanô  
 57 biô ronjadôn môn." Obla Judaiariphra bikhôu hônashôi :  
 "Nônô dabônô khaoba bôshôr jayakhôi, arô nônô Abraham-  
 58 khôu nubai khôma?" Jishua bishôrkhôu hônashôi :  
 "Nonthargôu nonthargôu an nônshôrkhôu hônô : Abrahama  
 59 ujia shayaonô, anô don môn." Obla bishôrô bikhôu khubôinô  
 thakhôi onthaiphôr dikhañashôi. Bobekhani Jishua kha-  
 khmananô gôthar noniphrai onkharlañashôi.

### Sharijanainiphrai khanakhôu shôkhanai

9 Biô biniphrai thañbla, biô shashe khana manshikhôu  
 2 nuashôi, biô sharijanainiphrai khana môn. Bini shô-  
 lôngraphra biniao shônnanô hônashôi : "Ô guru, biô kha-

nayôi' sharija jashe, shôr phap' khalaiâ', benô nonâbla bini  
 3 bima biphaya?" Jishua bunphinashôi : "Bebô bini bima  
 biphabô phap' khalamakhôi, bobekhâni Ishôrni habaphra  
 4 biniao nujanai badi shô'. Jônô shan thashandi ankhôu  
 thônhorgrani habaphôrkhôu maonô nangôu. Hora jagôn,  
 5 obla raobô maonô haya. Anô shônsharao thashandi, anô  
 6 shônsharni shraña." Bephôrkhôu buñnanôi biô hayao  
 mujunanôi jumudôijôn habru khalamashôi, arô bini mogon-  
 phôrni shayao habrujôn lirnanôi biô bikhôu hônashôi :  
 7 "Thañnanôi—thônhorjanai dikhanjanai—Shiloamni phu-  
 khriao shugarhôi!" Obla biô thañnanôi shugarashôi, arô  
 8 biô nuyôi' nuyôi' thañphinashôi. Obla gamini manshiphôr  
 arô bikhôu agla bibai thanai nugraphra hônashôi : "Benô  
 9 jonanôi bibaiakhôi môn khôma?" Shôrba shôrba hônashôi :  
 "Benô." Gubunphra hônashôi : "Noña, bobekhâni bekhôu  
 10 bikhôu badi nuyô." Biô hônashôi : "Anô binô." Bishôrô  
 bikhôu hônashôi : "Obla nôñni mogonphra mabôrôi geokhô?"  
 11 Biô bunphinashôi : "Jishu hônjanai manshia habru khalam-  
 nanôi anñi mogonphôrkhôu phunnânôi ankhôu hândôn :  
 "Thañnanôi Shiloamao shugarhôi!" Obla anô thañnanôi  
 12 shugarbla, anô nunô mônashôi." Bishôrô bikhôu hônashôi :  
 13 "Biô bôuha?" Biô hônashôi : "An mithia." Bishôrô  
 14 agla khana janaikhôu Pharishaiphôrniao lañashôi. Bobe-  
 khâni Jishu habru khalamnai arô bini mogonphôrkhôu  
 15 kheonai shana jirainai shan môn. Obla biô mabôrôi nukhô  
 hônnanôi, Pharishaiphrabô arbao biniao shônashôi. Biô  
 bishôrkhôu hônashôi : "Biô anñi mogonphôrni shayao ha-  
 16 brujôn lira' môn, arô anô shugarnanôi nuyô." Obla Phari-  
 shaiphôrni shôrba shôrba hônashôi : "Bi manshia Ishôrniphrai  
 noña, manôna biô jirainai shankhôu mania." Bobekhâni  
 gubunphra hônashôi : "Phaphi manshia mabôrôi bebadi  
 hañkbôrkhôu maonô hagôu?" Arô bishôrni gejerao

17 gaojlainai jayashôî. Obla bishôrô khanakhôu hônbaoashôî :  
 “Biô nônni mogonphôrkhôu kheonai khai, nônnô bini thakhôî  
 18 ma hônô?” Biô hônashôî : “Biô shashe nabi.” Biô  
 khana môn arô nunô mônbai hônnanôî, Judaiariphra nunô  
 mônmaini bima biphakhôu línhornanôî bishôrniao shônagôu  
 19 mani bini thakhôî phôthaiakhôishôî. Arô bishôrô bishôrniao  
 shônnanôî hônashôî : “Benô nônnshôrni nônnshajla, nônn-  
 shôrô hônô, biô khanayôî’ sharijaya’ môn na ma? Obla  
 20 biô danô mabôrôî nuyô?” Bini bima biphaya buñphinnanôî  
 hônashôî : “Jônô mithigôu, biô jônni bishajla, arô biô  
 21 khanayôî’ sharijaya’ môn hônnanôî. Bobekhani biô danô  
 mabôrôî nuyô, bikhôu jôn mithia, nonabla shôr bini mogon-  
 phôrkhôu kheokhô, bikhôu jôn mithia. Biniaonô shôn,  
 22 biô derbai, biô gaonô gaoni thakhôî bungôn.” Bini bima  
 biphaya Judaiariphôrkhôu ginai khai bephôrkhôu hônashôî.  
 Manôna Judaiariphra phoshonkhadôn môn, shôrba bikhôu  
 Khristho hônnanôî shiman labla, biô khulumgra noniphrai  
 23 huonjagôn hônnanôî. Bini khainô bini bima biphaya hôn-  
 24 shôî : “Biô derbai, nônnshôrô biniaonô shôn!” Obla bishôrô  
 agla khana janaikhôu khonnôiniao línhornanôî bikhôu hôn-  
 ashôî : “Ishôrnô’ bakhnainainikhôu hô! Jônô mithigôu, bi  
 25 manshia phaphi hônnanôî.” Obla biô buñphinashôî : “Biô  
 phaphi na ma, bikhôu an mithia. Mônshelô an mithigôu,  
 26 an khana môn, an danô nuyô hônnanôî.” Obla bishôrô  
 bikhôu hônashôî : “Biô nônni thakhôî ma khalaikhô? Biô  
 27 mabôrôî nônni mogonphôrkhôu kheokhô?” Biô bishôr-  
 khôu buñphinashôî : “An nônnshôrkhôu hônkhabai, arô  
 nônnshôrô khônashonakhôî. Nônnshôrô manô arbao khôn-  
 shonô gôshô jayô? Nônnshôrbô bini shôlôngraphôr janô  
 28 gôshô jayô khôma?” Arô bishôrô bikhôu bôrabnanôî hôn-  
 ashôî : “Nônnshô’ bini shôlôngra, bobekhani jônô Mosheni  
 29 shôlôngraphôr. Jônô mithigôu, Ishôra Moshekhôu buñnai

môn hōnnanōi, bobekhani biō bobeniphrai, bikhōu jōn  
 30 mithia.” Manshia bunphinnanōi bishōrkhōu hōnashōi :  
 “Beaonō shōmō nanthao thao, biō bobeniphrai, nōnshōrō  
 bikhōu mithia, oblabō biō anni mogonphōrkhōu kheobai.  
 31 Jōnō mithigōu, Ishōra phaphiphōrnikhōu khōnashōna,  
 bobekhani shōrba Ishōrkhōu khulumgra jabla arō bini gōshō  
 32 badi maoō bla, biō binikhōunō khōnashōnō. Hani jajen-  
 nainiphrai raobō khōnanō mōnpherakhōi, shōrba khanayōi’  
 33 sharijanaini mogonphōrkhōu kheobai hōnnanōi. Biō Ishōrni-  
 phrai noñabla, biō muñbō khalainō hanai noña môn.”  
 34 Bishōrō bunphimmanōi bikhōu hōnashōi : “Nōnō phapphōrao  
 lo sharijabai, arō nōnō jōnkhōu phōrōnnō?” Arō bishōrō  
 35 bikhōu huonhorashōi. Bishōrō bikhōu huonhorbai hōnnanōi,  
 Jishua khōnayashōi, arō bikhōu mōnnanōi biō hōnashōi :  
 36 “Nōnō Manshini bisha hōuakhōu phōthaiō?” Biō bunphin-  
 nanōi hōnashōi : “Ô bigba, biō shōr, añ bikhōu phōthainō  
 37 hanai badi?” Jishua bikhōu hōnashōi : “Nōnō bikhōu  
 38 nunō mōnkhabei, nōnjōn rajlainaianō binō.” Biō hōnashōi :  
 “Ô Phōrbu, añ phōthaiō.” Arō biō bikhōu khulumashōi.  
 39 Arō Jishua hōnashōi : “Bisharni thakhōi anō be shoñsharao  
 phōibai, khanaphra nunai badi, arō nugraphra khana janai  
 40 badi.” Bijōn thaphanai Pharishaiphōrni shōrba shōrba  
 bephōrkhōu khōnananōi bikhōu hōnashōi : “Jōnbō khana  
 41 khōma?” Jishua bishōrkhōu hōnashōi : “Nōnshōrō khana  
 jabla, nōnshōrōna phap’ janai noña môn. Bobekhani nōnshōrō  
 da hōnō : Jōnō nuyō. Bini khainō nōnshōrni phaba thayō.”

### Gōthahao thannai dor

**10** Nonthargōu, nonthargōu añ nōnshōrkhōu hōnō : “Menda-  
 phōrni gograyao dorjōn habalabanō bobebajōn gakhōgraya  
 2 shikhao arō shegra. Bobekhani dorjōn habgraya menda-



3 phôrne laokhar. Dor negraya bini thakhôi kheingôn, arô  
mendaphra bini raokhâu khônashônô, arô biô gaoni menda-  
4 phôrkhâu munkhonanôli nonlanô. Arô gaoni maniphôrkhâu  
huonbla, biô biphôrne shigañao thabaiô, arô mendaphra bini  
un un thanphayô, manôna biphôrô bini raokhâu mithigôu.  
5 Bobekhani biphôrô malaini un un thanphanai nona, bobekhani  
biphôrô biniphrai khargôn, manôna biphôrô malaiphôrne  
6 raokhâu mithia." Be phannaikhâu Jishua bishôrnô' khô-  
thayashôi. Bobekhani bishôrô, biô bishôrnô' khôthanai-  
7 phôrkhâu mithiakhôiashôi. Bini khainô Jishua hônbaoashôi :  
"Nonthargôu, nonthargôu an nônshôrkhâu hônô : Annô  
8 mendaphôrne dora. Anni shigañao phôinai maniphra shi-  
khaophôr arô shegraphôr. Bobekhani mendaphra bishôrne-  
9 khâu khônashônakhôiashôi. Annô dora. Shôrba anjôn  
habbla, biô bôkhanjagôn, biô habgônbo onkhargônbo arô  
10 adar môngôn. Khaonô, shitharnô arô adri khalamnô thakhôi  
nonabla shikhaoa phôia. Anô phôibai, bishôrô gôthan arô  
ushiglainaikhâu mônai badi.

### Gaham laokhar

11 Annô gaham laokhara. Gaham laokhara mendaphôrne tha-  
12 khôi gaoni jiukhâu hâyô. Laokhar nonôli phaikhar, menda-  
phôrne bigba nonôlia shikhokhâu phôinai nuhorbla, biô men-  
daphôrkhâu nagarlananôli kharô, arô shikhaoa biphôrkhâu  
13 homnanôli lanô arô lether phether khalamô, manôna biô  
14-15 phaikhar arô mendaphôrne thakhôi gôshô hâa. Annô gaham  
laokhara, arô Aphaya ankhâu mithigôu, anbo Aphakhâu  
mithigôu badi, anô anniphôrkhâu mithigôu, arô anniphra  
ankhâu mithigôu, arô anô anni jiukhâu mendaphôrne thakhôi  
16 hâyô. Arô anha gubun mendaphôr donbaoô, biphôrô be gogra-  
yaoni nona, biphôrkhâubo annô linbonô nangôu, arô biphôrô  
anni raokhâu khônashôngôn, arô phalôshe lo arô shashe lo

17 laokhar jagôn. Bini khainô Aphaya aňkhôu onô, manôna  
 18 aňô aňni jiukhôu hâyô, aňô bikhôu laphinnai badi. Raobô  
 bikhôu aňniphrai laňa, bobekhani aňnô gaoni gôshô badi  
 bikhôu hâyô. Bikhôu hônô aňha bôlô don, bikhôu laphin-  
 nôbô aňha bôlô don. Be thônnaikhôu aňô aňni Aphaniphrai  
 mônbai.”

### Judaiariphôrni gaojlainai

19 Be bathraphôrni thakhôi Judaiariphôrni gejerao gaojlainai  
 20 jabaoashôi. Bishôrni gôbaňa hônashôi : “Biô môdai  
 gônai arô bôrô. Nônshôrô manô binikhôu khônashônô?”  
 21 Gubunphra hônashôi : “Be bathraphra môdaijôn orjanaini  
 noňa. Môdaia khanaphôrni mogonphôrkhôu kheonô hagôu  
 khôma?”

### Jishua gaokhôu Khristho hônô

22 Obla gôthar nokhôu phôtharnaini phoroba Jerushalemao  
 23 jayashôi. Gôjaň bôthôr môn. Arô Jishua gôthar noao,  
 24 Shalomonni khamshaliao thabaiglaňdôn môn. Obla Judai-  
 ariphra Jishukhôu beňkhonnanôi bikhôu hônashôi : “Nônô  
 beshe gôbao jônni jiukhôu gôdao shôrao khalamô? Nônô  
 25 Khristho bla, jônno’ thalayôinô khôtha!” Jishua bishôr-  
 khôu buňphinashôi : “Aň nônshôrkhôu buňbai, bobekhani  
 nônshôrô phôthaia. Aň aňni Aphani muňôi maonai haba-  
 26 phra aňni thakhôi shakhi hâyô. Bobekhani nônshôrô phô-  
 27 thaia, manôna nônshôrô aňni mendaphôrni noňa. Aňni  
 mendaphra aňni raokhôu khônashônô, arô aňô biphôrkhôu  
 28 mithigôu, arô biphôrô aňni un un thaňphayô, arô aňô  
 biphôrnô’ jôbnô gôioi gôthanikhôu hâyô, arô biphôrô jôbthara  
 jashe hophainai noňa, arô raobô biphôrkhôu aňni akhaini-  
 29 phrai shenanôi laňnai noňa. Biphôrkhôu aňnô’ hônai Aphaya

boinibô khurôi dershin, arô raobô Aphani akhainiphrai she-  
 30-31 nanôilainô haya. Anô arô Aphaya jônô mônshê.” Judai-  
 ariphra bikhôu khubôitharnô thakhôi onthaiphôr dikhan-  
 32 baoashôi. Jishua bishôrkhôu bunphinashôi : “An nônshôrnô’  
 Aphaniphrai gôban môjan habaphôrkhôu dinthibai. Bi-  
 phôrnî bobekhani thakhôi nônshôrnô ankhôu onthaijôn khu-  
 33 bôitharnô?” Judaiariphra bikhôu bunphinashôi : “Jônô  
 nônkhôu môjan habani thakhôi onthaijôn khubôitharnô  
 hasthaia, bobekhani bashinaini thakhôi, arô nônô manshi  
 34 jananôibô gaokhôu Ishôr khalamnai khai shô’.” Jishua  
 bishôrkhôu bunphinashôi : “Nônshôrnî ayenao lirjayakhôi  
 35 khôma : Anô hônbai : Nônshôrnô Ishôrphôr. Biô Ishôrnî  
 bathra mônnai manshiphôrkhôu Ishôrphôr hônbla,—arô  
 36 gôthar lirnaia dangarjanô haya,— anô Ishôrnî bisha hôua  
 hônnanôi, bunnai khai, nônshôrnô Aphajôn phôtharjanai  
 arô shoñsharao thônhorjanaikhôu Ishôrkhôu bashigra hônô ?  
 37 Anô anî Aphani habaphôrkhôu maoabla, nônshôrnô ankhôu  
 38 daphôthai ! Bobekhani anô maoô bla, ankhôu phôthaia-  
 blabô habaphôrnî thakhôi phôthai, Aphaya anniao, anô  
 Aphaniao hônnanôi, nônshôrnô mithinô arô rônnô hanai badi.”  
 39 Bini khainô bishôrnô bikhôu homnô hasthaibaoashôi, bobekhani  
 biô bishôrnî akhainiphrai onkharlanashôi.

### Jordan barôi’

40 Biô Jordan barôi’ Johon shigañao bapthishma hônai jai-  
 41 gayao onkharlanbaonanôi biao thayashôi. Arô gôban biniao  
 thannanôi hônashôi : “Jhona munbô hankhô maoakhôi,  
 bobekhani bini thakhôi Johon hônnaï mania noñgôu môn.”  
 42 Arô gôban biao bikhôu phôthaiashôi.

### Lasharkhôu phôthannai

**11** Shashe jobra don môn, biô Mariam arô bini bibo  
 2 Marthani gami Bethaniani Lashar môn. Phôrbukhôu

môdômgra phunnaijôn phunnai arô gaoni khanaijôn bini  
 athiñphôrkhôu hugarnai bi Mariamni bida phoñbaia jobra  
 3 jadôn môn. Obla bini bibo binanaophra Jishuniao thônhor-  
 nanôî hônashôî : “Ô Phôrbu, nai, nônjôn onjagraja jobra  
 4 jadôn.” Jishua khônananôî hônashôî : “Bi jobra janaia  
 thôinaini thakhôî noña, bobekhani Ishôrkhôu shomaihônaini  
 thakhôî shô’, Ishôrni bisha hâuaya bijôn shomaihôjanai  
 5 badi.” Arô Jishua Martha arô bini binanao arô Lasharkhôu  
 6 onnai môn. Biô jobra jadôn hônnanôî, Jishua khônabla,  
 7 biô gaoni thanai jaigayaonô shannôî thabaoashôî. Bini unao  
 biô gaoni shôlôngraphôrkhôu hônashôî : “Thu jôn Judaiao  
 8 thanbaodôni !” Shôlôngraphra bikhôu hônashôî : “Ô guru,  
 Judaiariphra dabôrsheni shigañao nônkhôu onthaijôn khu-  
 9 bôitharnô hasthaibai, arô nôñô biao thanbaonô ?” Jishua  
 bunphinashôî : “Shansheni mugaphôr khaoshe munganôî  
 noña khôma? Shôrba shanao thabaibla, biô shôudora,  
 10 manôna biô be shoñsharni shrañkhôu nuyô. Bobekhani  
 shôrba horao thabaibla, biô shôudorô, manôna biniao shrañ  
 11 gôia.” Bephôrkhôu hônaini unao biô bishôrkhôu hônashôî :  
 “Jôñni phishigi Lashara undulañbai, bobekhani  
 12 añô bikhôu phôjakhañnô thannôshôî.” Obla shôlôngraphra  
 bikhôu hônashôî : “Ô Phôrbu, biô undulañdôn bla, biô gagôn.”  
 13 Jishua bini thôinaini thakhôî buñdôn môn. Bobekhani  
 bishôrô shanashôî, biô undulañnaini jirainaini thakhôî buñdôn  
 14 hônnanôî. Obla Jishua bishôrkhôu thalayôinô hônashôî :  
 15 “Lashara thôibai, arô añô biao gôioi khai, añ nôñshôrni thakhôî  
 ronjayô, nôñshôrô phôthainai badi. Bobekhani thu jôn bini-  
 16 ao thanđôni !” Obla jaoja hônjanai Thomasha gaoni lôgô  
 shôlôngraphôrkhôu hônashôî : “Thu jônbo thanđôni, jônô  
 17 bijôn thôiphano hanai badi !” Jishua shohôibla, biô mithinô  
 mônashôî, Lashara gôthôî hakhorao shanbrôî phuthujakhabai  
 18 hônnanôî. Bethaniaya Jerushalemni khathi, sheoanôî shô’

19 gôjan môn. Judaiariphôrne gôbaña bishôrkhou bida phon-  
 baini thakhôi banjainô thakhôi Martha arô Mariamniao  
 20 thanđôn môn. Jishua phôiğou hōnnanôi, Marthaya khōnabla,  
 biô bikhôu lôgô lanô thanashôi. Bobekhani Mariama noao  
 21 jonanôi thayashôi. Obla Marthaya Jishukhou hōnashôi :  
 “Ô Phôrbu, nōnô beao đon môn bla, añni bida phonbaia thoi-  
 22 nai noña môn. Bobekhani đabô añ mithigou, nōn Ishôrniao  
 23 binai manikhôu Ishôra nōnô’ hōgôn hōnnanôi.” Jishua  
 bikhôu hōnashôi : “Nōnni bida phonbaia shikhañphingôn.”  
 24 Marthaya bikhôu hōnashôi : “Añ mithigou, biô shikhañ-  
 25 phinnaiao, jōbnai shanao shikhañphingôn hōnnanôi.” Jishua  
 bikhôu hōnashôi : “Añnô shikhañphinnai arô gôthaña. Añ-  
 26 khôu phôthaigraya thoiđlabô gôthañôi thagôn, arô gôthañôi  
 thagra arô añkhôu phôthaigra shaphrômbô jōbthara jashe  
 27 thoiðarnai noña. Nōnô bikhôu phôthaiô?” Biô bikhôu  
 hōnashôi : “Ôu, Phôrbu, añ phôthaiô, nōnô Khristho,  
 28 Ishôrne bisha hōua, shonsharao phôiğōnanô hōnnanôi.” Arô  
 bikhôu buñnanôi biô thanñanôi gaoni binanao Mariamkhôu  
 shrôthôi’ linnanôi hōnashôi : “Phôrôngraya shophôibai, arô  
 29 biô nōnkhôu lindhordônô !” Biô bikhôu khōnamarnô shikhañ-  
 30 nanôi biniao thanashôi. Jishua gamiao shohôithoakhôi  
 môn, bobekhani biô Martha bikhôu lôgô lanai jaigayao oblabô  
 31 đon môn. Bijôn noao lôgôshe thanai arô bikhôu banjainai  
 Judaiariphra Mariamkhôu gôkhrôi shikhañnanôi oñkhar-  
 lañnai nubla, bishôrô bini un un thanphayashôi, bishôrô  
 nonashôi, biô gôthôi hakhorao biao gabnô thakhôi thanđôn  
 32 hōnnanôi. Mariama Jishu thanaiao shohôibla, biô bikhôu  
 nunanôi bini athiñphôr jinao gugrubnanôi bikhôu hōnashôi :  
 “Ô Phôrbu, nōnô beao đon môn bla, añni bida phonbaia  
 33 thoinai noña môn.” Jishua bikhôu gabnai arô bijôn lôgôshe  
 phoinai Judaiariphôrkhou gabnai nubla, biô jiuao nernanôi  
 34 gaokhou phôjônkhannanôi hōnashôi : “Nōnshôrô bikhôu  
 bôuha đonkhô?” Bishôrô bikhôu hōnashôi : “Ô Phôrbu,

- 35-36 phôi, naiphôi!" Jishua gabashôi. Obla Judaiariphra hônashôi : "Nai, biô bikhôu 'beshegrap' onnai môn!"
- 37 Bobekhani bishôrni shôrba shôrba hônashôi : "Khanani mogonphôrkhôu kheograya khalainô hayakhôi môn khôma, 38 bibô thoinô nanlia môn hônnanôi?" Obla Jishua gaoniao nerbaonanôi gôthôi hakhorao thanashôi. Biô dondor môn, arô bini shigañao onthai thaishe phuthujanai don môn.
- 39 Jishua hônashôi : "Nônshôrô onthaikhôu bôkhargardô!" Gôthôini bibo binanao Marthaya bikhôu hônashôi : "Ô Phôrbu, biô mônamkhabai. Manôna biô shanbrôishôi."
- 40 Jishua bikhôu hônashôi : "An nônkhôu hônakhôi khôma, nônô phôthaibla, nônô Ishôrni shomainaikhôu nugôn hônna- 41 nôi?" Obla bishôrô onthaikhôu bôkharashôi. Arô Jishua mogonphôrkhôu shayao dikhañnanôi hônashôi : "Ô Apha, nôn annikhôu khônashonnai khai, an nônkhôu hambai hônô.
- 42 An mithidôn môn, nônô lagarbô annikhôu khônashonô hônnanôi. Bobekhani anô goshongdiñnai daphani thakhôi bikhôu hônbai, nônô ankhôu thônhorbai hônnanôi, 43 bishôrô phôthainai badi." Arô bikhôu buñnanôi biô gedert 44 raojôn gabjriashôi : "Ô Lashar, beao onkharbô!" Obla gôthôia onkharashôi, bini athinphôr a1ô aikhaiphra phobnaini hiphôrjôn phanphobjadôn môn, arô bini môkhaña phalijôn khaphobjadôn môn. Jishua bishôrkhôu hônashôi : "Bikhôu 45 kheonanôi thanô hôdô!" Obla Mariamniao thannai arô Jishuni khalamnaikhôu nunai Judaiariphôrni gôbaña bikhôu 46 phôthaiashôi. Bobekhani bishôrni shôrba shôrba Phari-shaiphôrniao thannanôi Jishuni maonaikhôu bishôrnô' khôthayashôi.

**Jishukhôu shitharnô thakhôi dôuri gederni shanjlainai**

- 47 Obla dôuri gederphôr arô Pharishaiphra pharia loriaphôrni jo janaikhôu linthumnanôi hônashôi : "Jônô ma khalamnô?"

48 Manôna be manshia gôban hañkhôphôrkhôu maoô, jônô  
 bikhôu bebadinô maonô hâyô bla, boibô bikhôu phôthaigôn,  
 arô Romariphra phôinanô jônini hadort arô jônini hadorni  
 49 manshiphôrkhôu shenanô laingôn.” Bobekhani bishôrni  
 shashe, Khaiaphash bi bôshôrni dôuri gedera bishôrkhôu  
 50 hônashô : “Nônshô rô muñbô mithia, arô nônshô rô shana,  
 hadorni manshiphôrni thakhô shashe manshini thôinaia  
 hadorni manshiphôrni adri janaini khurô rô nônshô rha hamshin  
 51 hônnanô?” Biô bikhôu gaoni bôlôjôn hônakhô, bobekhani  
 bi bôshôrni dôuri gedert janânô biô nabi badi hônashô, Jishua  
 52 hadorni manshiphôrni thakhô thônôshô môn, arô hadorni  
 manshiphôrni thakhô lo noia, bobekhani Ishôrni lether  
 phether janai bishaphôrkhôu dabsheonô phuthumnô thakhô  
 53 shô’ hônnanô. Bini khainô bishô rô bikhôu shitharnô tha-  
 54 khô bi shanniphrai shanjlaiashô. Bini khainô Jishua  
 Judaiariphôrni gejeroa didayô’ thabaigdiñbaoakhôishô,  
 bobekhani biô biniphrai phôtharni khathini dabsheao,  
 Ephraim hônjanai nôgôrao thañnanô gaoni shôlôngraphôrjôn  
 55 biao thahôishô. Bobekhani Judaiariphôrni Phaskhaya  
 khathishô môn, arô gôban gao gaokhôu phôtharnô thakhô  
 Phaskhani shigañao gamiphôrniphrai Jerushalemao gakhô-  
 56 lañashô. Obla bishô rô Jishukhôu naigirbaoashô, arô gôthar  
 noao goshoñnanô bishô rô gaojôn gao hônj laiashô : “Nôn-  
 57 shô rô mabô rô shanô, biô phorobao phôia khôma?” Bobe-  
 khani dôuri gederphôr arô Pharishaiphra be thônnaikhôu  
 hôbai môn, biô bôuha don hônnanô, shôrba mithigôu bla,  
 biô bikhôu dñthinô nañgôu, bishô rô bikhôu homnô hanai  
 badi.

### Mariamni Jishukhôu phunnai

**12** Jishua Phaskhani shandoni shigañao Bethaniayao thañ-  
 shô, biao Jishujôn gôthôiphôrniphrai shikhañphinhôjanai

- 2 Lashara don môn. Obla bishôrô biao bini thakhôi môna-  
bilini bosh khalamashôi, arô Marthaya dao dao khalaiashôi,  
bobekhani Lashara bijôn unduglemphagraphôrni shashe môn.
- 3 Obla Mariama phônôi dam gosha noingôu Nardush môdôm-  
gra phunnaikhôu lañnanôi Jishuni athiñphôrkhôu phunnanôi  
gaoni khanaijôn bini athiñphôrkhôu hugarashôi. Arô noa  
4 môdômgra phunnaini môdômnaijôn buñphobashôi. Iskha-  
rioth Judash, bini shôlôngraphôrni shashe, bikhôu gothainô-  
5 shôia hônashôi : “Be môdômgra phunnaia manô denar  
jôuthamjôn phanjananôi haoriaphôrnô’ hôjayakhôi?”
- 6 Bobekhani biô haoriaphôrni thakhôi jingashinai khai bikhôu  
buñakhôi, bobekhani biô shikhao môn, arô thakha shiphia  
biha thanai khai, biô biao dônjanaiphôrkhôu lakhmanai  
7 khai shô’. Obla Jishua hônashôi : “Hinjaokhôu thanô  
hô, biô bikhôu aini phobjanaini shan shim aothainô hanai  
8 badi ! Manôna haoriaphra lagarbô nônshôrjôn lôgôshe don,  
bobekhani anô lagarbô nônshôrha gôia.”

### **Jishukhôu shitharnô thakhôi shanjlainai**

- 9 Obla Judaiariphôrni gedert daphaya, biô biao don hônnanôi  
mithinô mônashôi, arô bishôrô Jishuni thakhôi lo phôiakhôi,  
bobekhani gôthôiphôrniphrai bijôn shikhañphinhôjanai La-  
10 sharkhôubô nainô thakhôi shô’. Bobekhani dôuri gederphra  
11 Lasharkhôubô shitharnô thakhôi shanjlaiashôi, manôna  
Judaiariphôrni gôbana bini thakhôi thanôi’ thanôi’ Jishukhôu  
phôthaiashôi.

### **Jishuni Jerushalemao habnai**

- 12 Nokha nainanôi phorobao thanai gedert daphaya Jishukhôu  
13 Jerushalemao phôigôu hônnanôi khônabla, bishôrô khijur  
gañkhoñphôrkhôu lananôi bijôn lôgô lanô onkharlananôi  
gabjriashôi : “Hoshanna, Phôrbuni muñôi phôinai ! Ishraelni



14 rajayanô bôr hôjathôn!" Arô Jishua gembu gorai bishakhôu mônnanôî bini shayao gakhôashôî, lirjaya' môn badi :  
 15 "Dagi, ô Shionni bishajô, nai, nôni rajaya gembu gorai  
 16 bishani shayao gakhônânôî phôiğôu!" Bini shôlôngraphra  
 bephôrkhôu mithigrôakhôî môn, bobekhani Jishua shomai-  
 hôjabla, bephôrô bini thakhôî lirjanai don môn, arô bishôrô  
 bini thakhôî bephôrkhôu khalamdôn môn hônnanôî, bishôrô  
 17 gôshôkhanashôî. Obla Lasharkhôu gôthôî hakhorniphrai  
 linonnaiao arô bikhôu gôthôiphôrniphrai shikhanphinhônaiao  
 18 bijôn thaphanai daphaya shakhi hôashôî. Bini khainô biô  
 be hanhkhôu maodôn hônnanôî, bishôrô khônânô mônnai  
 19 khai, daphayabô lôgô lahôîashôî. Obla Pharishaiphra gao-  
 jôn gao hônjlaiashôî : "Nônshôrô nuyô, nônshôrô munbô  
 maonô haya hônnanôî. Nai, shoishar mania bini un un thaô."

### **Jishu arô Grikphôr. Gaoni thôinai arô shomainaini thakhôî**

20 Phorobao Ishôrkhôu khulumnô gakhôgraphôrni shôrba shôrba  
 21 Grikphôr môn. Bishôrô Galilni Bethshaidani Philibniao  
 thannanôî biniao khaolainanôî hônashôî : "Ô apha, jônô Ji-  
 22 shukhôu nainô gôshô jayô." Philiba thannanôî Andreashnô'  
 khôthayashôî. Andreash arô Philiba thannanôî Jishunô'  
 23 khôthayashôî. Obla Jishua bunphinnanôî bishôrkhôu hônashôî :  
 "Manshini bisha hôuani shomaihôjanaini mugaya  
 24 jakhabai. Nonthargôu, nonthargôu an nônshôrkhôu hônô :  
 "Gomni begora hayao gôglôinanôî thôiabla, biô hashinôî  
 25 thayô. Bobekhani thôibla, biô gôban phithai thaiô. Gaoni  
 jiukhôu ongraya bikhôu khômagon, arô gaoni jiukhôu be  
 shoisharao mugôigraya bikhôu jôbnô gôîôi gôthanî thakhôî  
 26 aothaigôn. Shôrba ankhôu dao dao khalaiô bla, biô anîni  
 un un phôithôn, arô an thagônaonô anîni dao dao khalaignayabô  
 thagôn. Shôrba ankhôu dao dao khalaiô bla, Aphaya binô'  
 27 man hôgôn. Anîni jiua danô ushao badao jabai, arô an ma

28 hōnnô? Ô Apha, aṅkhôu be muganiphrai bôkhañ! Oblabô  
 aṅ bini thakhôï be mugayao phôïbai. Ô Apha, nôñni muñ-  
 khôu shomaihô!" Obla nokhrañniphrai phoñshe rao jaya-  
 shôï: "Aṅ shomaihôbaïbô shomaihôbaogônbo."

### Hadorni manshiphōrnô' jôbnai khôthanai

29 Obla goshoñnai arô khônashoñnai daphaya hōnashôï: "Khô-  
 rômbai." Gubunphra hōnashôï: "Shashe arpho bijôn rai-  
 30 jlaïbai." Jishua buñphinnanôï hōnashôï: "Be raoa aṅni  
 31 thakhôï jayakhôï bobekhani nôñshôrni thakhôï shô'. Danô  
 be shoñsharni bishara. Danô be shoñsharni gôraya garon-  
 32 jagôn. Arô aṅô haniphrai dikhañjabla, aṅ boikhôubô aṅniao  
 33 bôgôn." Biô bobé thôinaijôn thôinôshôï môn dīnthinô thakhôï,  
 34 biô bikhôu hōnashôï. Obla daphaya bikhôu buñphinashôï:  
 "Jônô ayenniphrai khônabai, Khristhoa jôbthara jashe thagôn  
 hōnnanôï, arô nôñô mabôrôï buñô, Manshini bisha hōuaya  
 dikhañjanô naṅgôn hōnnanôï?" Be Manshini bisha hōuaya  
 35 shôr?" Obla Jishua bishôrkhôu hōnashôï: "Shraña dabôr-  
 36 she nôñshôrni gejerao doñbaoô. Nôñshôrha shrañ thashandi  
 thabaidô, khômshia nôñshôrkhôu homphnañôï badi! Arô  
 khômshiao thabaigraya bôuha thañô, biô bikhôu mithia.  
 Nôñshôrha shrañ thashandi shrañkhôu phôthaidô, nôñshôrô  
 shrañni bishaphôr janai badi!" Bephôrkhôu buñnanôï Jishua  
 37 thañnanôï bishôrniphrai khakhmayashôï. Bobekhani biô  
 bishôrni shigañao eshebañ hañkhôphôr maoblabô, bishôrô  
 38 bikhôu phôthaiakhôï, Jeshai nabini bebadi hōnnai bathraya  
 japhuñnai badi: "Ô Phôrbu, jôñniao khônano mōnnaïkhôu  
 39 shôr phôthaikhô, arô Phôrbuni akhanthia shôrniao nujakhô?"  
 40 Bini khainô bishôrô phôthainô hayakhôï, manôna Jeshai  
 hōnbaodôn môn: "Biô bishôrni mogonphôrkhôu khana  
 khalambai, arô biô bishôrni gôshôkhôu phôrabai, bishôrô  
 mogonphôrjôn nuyôï badi arô gôshôjôn mithinanôï gôshô

phidinphinôi badi, an bishôrkhôu shôkhagôn hônnanôi.”  
 41 Jeshaiâ bini shomainaikhôu nunanôi bini thakhôi buñnañ  
 42 khai, beshôrkhôu hândôn môn. Oblabô gôraphôrnibô gôbaña  
 bikhôu phôthaiashôi, bobekhâni Pharishaiphôrni thakhôi  
 bishôrô shiman layakhôiishôi, bishôrô khulumgra noniphrai  
 43 huonjayôi badi. Manôna bishôrô Ishôrni bakhnainaini khu-  
 44 rôibô manshiphôrni bakhnainaikhôu hamjashinnai môn. Bobe-  
 khâni Jishua gabjrinanôi hônashôi : “Ankhôu phôthaigraya  
 ankhôu phôthaia, bobekhâni ankhôu thônhorgrakhôunô.  
 45-46 Arô ankhôu nuguayâ ankhôu thônhorgrakhôunô nuyô. Anô  
 shrañ badi shoñsharao phôibai, ankhôu phôthaigra sha-  
 47 phrômbô khômshiao thayôi badi. Arô shôrba anñi bathra-  
 phôrkhôu khônashoñnanôi maniabla, anô bikhôu bishar  
 khalaia. Manôna anô shoñsharkhôu bishar khalaïnô phôia-  
 48 khôi bobekhâni shoñsharkhôu bôkhañnô thakhôi shô’. An-  
 khôu ergargra arô anñi bathraphôrkhôu layôiha gaokhôu bishar  
 khalaigra don. An buñnai bathrayâ bikhôu jôbnai shanao  
 49 bishar khalaigôn. Manôna an gaoni bôlôjôn buñakhôi, bobek-  
 khâni ankhôu thônhornai Aphaya gaonô ankhôu thônbai,  
 50 an ma buñgôn arô ma hôngôn hônnanôi. Arô anô mithigôu,  
 bini thônnaia jôbnô gôiôi gôthañ hônnanôi. Bini khainô  
 Aphaya ankhôu buña’ môn badi, an anñi buñnaikhôu bibadinô  
 buñô.

### Shôlôngraphôrni athiñphôrkhôu shunai

**13** Phaskha phorobni shigañao be shoñsharniphrai Biphâ-  
 niao thañnô thakhôi bini mugaya jakhabai hônnanôi,  
 Jishua mithibla, biô hayao gaoniphôrkhôu onbônânôi jôbnai  
 2 shim bishôrkhôu onashôi. Arô mônabilini bosh janaiao,  
 Môdaia Shimonni bishajla Iskhariothni Judashni gôshôao  
 3 shônânôi hôkhabla, biô bikhôu gothaithôn hônnanôi, Biphaya  
 gashôikhôubô bini akhaiphôrao gothaibai, arô biô Ishôrni-

phrai onkharbônânôi Ishôrniao thanphinnôshôi hônnanôi,  
 4 Jishua mithibla, biô boshniphrai shikhanashôi arô shayaoni  
 hiphôrkhôu dônnanôi ganshe phalikhôu lananôi janji khasho-  
 5 ashôi. Biniphrai biô gonshe dabôrao dôi lokhobnanôi  
 shôlôngraphôrni athinphôrkhôu shunô arô bi janji khasho-  
 6 nai phalijôn hugarnô homashôi. Obla biô Shimon Phethor-  
 niao shohôiashôi. Biô bikhôu hônashôi : “Ô Phôrbu,  
 7 nôhô anni athinphôrkhôu shunôshôi?” Jishua buinphinna-  
 nôi bikhôu hônashôi : “An khalamnaikhôu nôh danô mithia,  
 bobekhani bephôrni unao nôh bephôrkhôu mithigôn.”  
 8 Phethora bikhôu hônashôi : “Nôhô jôbthara jashe anni  
 athinphôrkhôu shunô môntharnai nôna.” Jishua bikhôu  
 buinphinashôi : “Anô nônhôu shuabla, nôha anjôn  
 9 lôgôshe bokhra gôia.” Shimon Phethora bikhôu hônashôi :  
 “Ô Phôrbu, anni athinphôrkhôu lo nôna bobekhani akhai-  
 10 phôrkhôubô khorokhôubô.” Jishua bikhôu hônashôi :  
 “Athinphôrkhôu nagarnanôi dugôigraya shujanô naña,  
 bobekhani biô gôjônjôb. Arô nônhôrô gôjôn bobek-  
 11 khani boibô nôna.” Manôna biô gaokhôu gothaigônkhôu  
 mithidôn môn. Bini khainô biô hônashôi : “Nônhôrô  
 12 boibô gôjôn nôna.” Obla biô bishôrni athinphôrkhôu  
 shunanôi gaoni hiphôrkhôu gannanôi unduglemphinnanôi  
 bishôrkhôu hônashôi : “Nônhôrô mithibai, an nônhôrni  
 13 thakhôi ma khalamkhô? Nônhôrô ankhôu phôrôngra  
 arô Phôrbu hônnanôi buhô, arô nônhôrô môjanôi buhô.  
 14 Manôna an binô. Bini khainô an Phôrbu arô phôrôngraya  
 nônhôrni athinphôrkhôu shubaibla, nônhôrô gaojôn gao  
 15 athinphôrkhôu shujlainô nangôu. Manôna an nônhôrnô'  
 mônshe aina hôbai, an nônhôrni thakhôi khalama' môn  
 16 badi, nônhôrbô bebadinô khalamnai badi. Nonthargôu,  
 nonthargôu an nônhôrkhôu hônô, leña gaoni bigbani khurôi  
 dershin nôna, thônhorjanaiabô gaokhôu thônhorgrani khurôi

17 dershin noña. Nônshôrô bephôrkhôu mithibla, nônshôrô  
 18 bephôrkhôu khalamô bla, nônshôrô bôr hôjagra. An nôn-  
 shôr boinibô thakhôi buña. An shaikhonaiphôrkhôunô an  
 mithigôu. Bobekhani gôthar lirnaia japhuinnô nangôu :  
 “Anni shithaokhôu jagraya gaoni aphadaodôikhôu an  
 19 shayao dikhanbai.” Daniphrai jaya shayao an nônshôrkhôu  
 hônkhayô, jabla, nônshôrô phôthainai badi, annô binô hôn-  
 20 nanôi. Nonthargôu, nonthargôu an nônshôrkhôu hônô : An  
 thônornaikhôu najaograya ankhôunô najaoô, arô ankhôu  
 najaograya ankhôu thônhorgrakhôunô najaoô.”

### Gothaigrani thakhôi khôthagrônai

21 Bephôrkhôu buñnanôi Jishua jiuaô ushao badao jananôi  
 shakhi hônnanôi hônashôi : “Nonthargôu, nonthargôu an nôn-  
 22 shôrkhôu hônô : Nônshôrni shashea ankhôu gothaigôn.” Biô  
 shôrni thakhôi buñkhô hônnanôi, shôlôngraphra bini thakhôi  
 23 gôdao shôrao jananôi gaojôn gao najlaiashôi. Bini shôlôngra-  
 phôrni shashea Jishuni bikhayao shônarnanôi unduglemdôn  
 24 môn, Jishua bikhôu onnai môn. Obla Shimon Phethora bi-  
 khôu thikhôn hornanôi bikhôu hônashôi : “Biô shôrni thakhôi  
 25 buñdôn hônnanôi, shônshai !” Biô bebadinô Jishuni bi-  
 khayao shônarnanôi bikhôu hônashôi : “Ô Phôrbu, biô shôr ?”  
 26 Obla Jishua buñphinashôi : “An shithao pherlebshekhôu  
 shômnanôi hôgôna binô.” Obla biô shithao pherlebshekhôu  
 shômnanôi lananôi Shimoni bishajla Iskhariothni Judashnô’  
 27 hôashôi. Arô shithao pherlebshekhôu mônmaini unao Shô-  
 thana biniao habashôi. Obla Jishua bikhôu hônashôi : “Nôn  
 28 khalamgônkhôu gôkhrôi khalamdô !” Bobekhani unduglem-  
 graphôrni raobô mithiakhôishôi, biô mani thakhôi bikhôu  
 29 buñdôn môn hônnanôi. Manôna shôrba shôrba shanashôi,  
 thakha shiphia Judashniao thanai khai, Jishua bikhôu hôn-  
 dôn : “Boshao jôinnô’ nangôuphôrkhôu baidô,” noñabla biô

30 haoriphônô' maba hônai badi. Biô shithao pherlebshekhôu labla, biô thabnô onkharlanashô. Obla hor môn.

### Gaoni thakhôi arô onjlainaini thakhôi

31 Biô onkharlanbla, Jishua hônashô: "Danô Manshini bisha hâuaya shomaihôjabai, arô Ishôra biniao shomaihô-  
32 jabai. Ishôra biniao shomaihôjabai bla, Ishôrabô bikhôu gaoniao shomaihôgôn, arô biô thabnô bikhôu shomaihôgôn.  
33 Ô bishaphôr, dabôrshe an nônshôrjôn lôgôao donbaoô. Nônshôrô ankhôu naigirgôn, arô an Judaiariphôrkhôu hônâ' môn badi, an thaingônao, nônshôrô thaïnô haya, an nônshôr-  
34 khôubô danô bunô. An mônshe gôdan thônnaikhôu nônshônô' hâyô, nônshôrô gaojôn gao onjlaidô, an nônshôrkhôu ona' môn badi, nônshôrbô gaojôn gao onjlaidô hônnanôi.  
35 Nônshôrha gaojôn gao onjlainai donbla, bijônno boibô mithi-  
36 gôn, nônshôrô anni shôlôngraphôr hônnanôi." Shimon Phethora bikhôu hônashô: "Ô Phôrbu, nônô bôuha thaïnô?"  
Jishua bunphinashô: "An thaingônao nônô danô anni un un thaïnphanô haya, bobekhani unao nônô anni un un thaingôn."  
37 Phethora bikhôu hônashô: "Ô Phôrbu, an manô danô nônini un un thaïnphanô haya? An anni jiukhôu nônini thakhôi hôgôn."

### Phethorni phôlanaikhôu khôthagrônai

38 Jishua bunphinashô: "Nônô nônini jiukhôu anni thakhôi hôgôn khôma? Nonthargôu, nonthargôu an nônkhôu hônô: "Nônô ankhôu khontham phôlayagôu mani, daojlaya gishir-nai nona."

### Gaoniphôrni thakhôi jaiga tham thim khalamnai

14 "Nônshôrni gôshôa ushao badao dajathôn! Ishôrkhôu  
2 phôthai, ankhôubô phôthai! Anni Aphani noao gôban thagra

- jaigaphôr don. Gôiabla, an nônshôrnô' khôthagôu môn.
- 3 Manôna an nônshôrni thakhôi jaiga tham thim khalamnô thañô. Arô anô thannanôi nônshôrni thakhôi jaiga tham thim khalambla, anô phôiiphinnanôi nônshôrkhôu ainniao lanphagôn, an thanaiaonô nônshôrbô thanai badi.
- 4 Arô an thangônáo, nônshôrô lamakhôu mithigôu."

### Noñgôu lama

- 5 Thomasha bikhôu hônashôi : "Ô Phôrbu, nôn bôuha thañô, jôn mithia. Obla jônô mabôrôi lamakhôu mithinô?"
- 6 Jishua bikhôu hônashôi : "Anô lama arô noñgôu arô gôthaña.
- 7 Anjôn nonabla raobô Biphaniao shohôia. Nônshôrô ankhôu mithigôu mônbla, nônshôrô anni Aphakhôubô mithigôu môn. Daniphrai nônshôrô bikhôu mithigôu arô nubai."

### Jishua Biphajôn mônshê

- 8 Philiba bikhôu hônashôi : "Ô Phôrbu, Biphakhôu jônô' dинthi, binô jônha thôgôu." Jishua bikhôu hônashôi : "Ô Philip', eshe gôbao an nônshôrjôn lôgôao don, arô nôn ankhôu mithia? Ankhôu nugraya Biphakhôubô nubai.
- 9 Nônô mabôrôi hônô : Biphakhôu jônô' dинthi? Nônô phôthaia, anô Aphaniao, arô Aphaya ainniao don hônnanôi? An nônshôrnô' buñnai bathraphôrkhôu anô gaoni bôlôjôn buña. Bobekhani Aphaya ainniao thananôi gaoni habaphôr-
- 10 khôu maoô. Nônshôrô ankhôu phôthai, anô Aphaniao, arô Aphaya ainniao don hônnanôi. Nonabla bi habaphôrni
- 11 thakhôi nônshôrô phôthai! Nonthargôu, nonthargôu an nônshôrkhôu hônô : Ankhôu phôthaigraya, an maonai habaphôrkhôu bibô maogôn, arô biô biphôrni khurôi der-shinphôrkhôu maogôn, manôna anô Aphaniao thannôshôi.
- 12 Arô nônshôr anni muñôi binai manikhôu anô khalamgôn,
- 13 Biphaya Bisha hôuaniao shomaihôjanai badi. Nônshôrô

15 ańniao ańni muńôi maba bibla, ań khalamgôn. Nônshôrô  
 ańkhôu onô bla, nônshôrô ańni thônnaiphôrkhôu manigôn.  
 16-17 Arô ańô Aphaniao bigôn, arô biô nônshôrnô' gubun bansho-  
 gra be jabai nońgôuni Jiukhôu hógôn, biô jôbthara jashe nôn-  
 shôrjôn lôgôao thanai badi, shonshara bikhôu najaonô haya,  
 manôna biô bikhôu nua mithiabô. Bobekhani nônshôrô  
 bikhôu mithigôu, manôna biô nônshôrjôn thayô arô nônshôr-  
 18 niao thagôn. Ańô nônshôrkhôu maoriaphôr badi nagar-  
 19 lańnai nońa, ańô nônshôrniao phôigôn. Arbao dandisheni unao.  
 shonshara ańkhôu nubaonai nońa, bobekhani nônshôrô  
 ańkhôu nugôn, manôna ań gôthanôinô don, nônshôrbô gô-  
 20 thanôinô thagôn. Bi shanao nônshôrô mithigôn, ań ańni  
 Aphaniao, nônshôrô ańniao arô ańbô nônshôrniao don hôn-  
 21 nanôi. Ańni thônnaiphôrkhôu mônnanôi biphôrkhôu mani-  
 graya ańkhôu onô, arô ańkhôu ongraya ańni Aphajôn onjagôn,  
 arô ańô bikhôu ongôn arô gaokhôu bini shigańao nujahôgôn."'  
 22 Judasha—Iskhariothni nońa—bikhôu hônashôi : "Ô Phôrbu,  
 mabôrôi jakhô, nônô jônni shigańao gaokhôu nujahôgôn  
 23 arô shonsharni shigańao nońa hônnanôi?" Jishua buń-  
 phinnanôi bikhôu hônashôi : "Shôrba ańkhôu onô bla, biô  
 ańni bathrakhôu manigôn, arô ańni Aphaya bikhôu ongôn,  
 arô jônô biniao thannanôi biniao thaphlaigôn.  
 24 Ańkhôu onôia ańni bathraphôrkhôu mania. Arô nônshôr  
 khônana bathraya ańni nońa bobekhani ańkhôu thônhornai  
 25 Aphani shô'. Ań nônshôrniao thanaiaonô ańô nônshôrnô'  
 26 bephôrkhôu khôthabai. Bobekhani Aphaya ańni muńôi  
 banshogra, Gôthar Jiukhôu thônorgôn, biô gashôikhôubô  
 nônshôrnô' phôrôngôn, arô ań nônshôrnô' hônna maniphôr-  
 27 khôu. nônshôrkhôu gôshôkhanhógôn. Gôjônnaikhôu ań  
 nônshôrnô' galańô, ańni gôjônnaikhôu ań nônshôrnô' hâyô.  
 Shonshara hâyô badi ań nônshôrnô' húa. Nônshôrnai gôshôa  
 28 ushao badao dajathôn, gikhobô dajathôn ! Nônshôrô



khônabai, an nônshôrkhou buñbai : Anô thainnanôi nônshô-  
 niao phôiphingôn. Nônshôro ankhôu onô bla, anô Aphaniao  
 thainnôshôi khai, nônshôro ronjagôu môn, manôna Aphaya  
 29 anni khurôi dershin. Arô da jaya shayaonô an nônshô-  
 30 khou buñbai, jabla, nônshôro phôthainai badi. Anô nôn-  
 shôrjôn bimainô raijlaibaonai nona, manôna shônsharni  
 31 gôraya phôigôu, arô biha anniao muñbô gôia. Bobekhani  
 anô Aphakhôu onô, arô Aphaya ankhôu thôna' môn badi,  
 an bebadinô khalamô hônnanôi, shônshara mithinai badi,  
 nônshôro shikhan, jônô beniphrai thandôni !”

### Drakha bôndôn arô dalaiphôr

**15** “Annô noingôu drakha bôndôn, arô anni Aphaya maogra.  
 2 Biô anniao phithai thaiôi dalaiphôrômkhoubô bôkharô,  
 arô biô phithai thaigra dalaiphôrômkhoubô phôshabô, biô  
 3 phithai thaishinnai badi. Nônshôro an nônshôrnô' hônnaï  
 4 bathrajôn phôshabkhajabai. Nônshôro anniao tha, obla  
 anbô nônshôrniao thagôn. Dalaia drakha bôndôniao thaya-  
 bla gaonô phithai thainô haya badi, nônshôrbô anniao thaya-  
 5 bla bebadinô haya. Annô drakha bôndôn, nônshôro dalai-  
 phôr. Shôrba anniao arô an biniao thabla, biô gôban phithai  
 thaiô, manôna an nonabla, nônshôro muñbô khalamnô haya.  
 6 Shôrba anniao thayabla, biô dalai badi garonjananôi ranlanô,  
 arô bishôro biphôrkhou phuthumnanôi orao garô, arô biô  
 7 khamô. Nônshôro anniao thayô bla, arô anni bathraphra  
 nônshôrniao thayô bla, nônshôro gôshô janai manikhôu bi',  
 8 arô nônshôrha jagôn. Nônshôro gôban phithai thainai-  
 jônô anni Aphaya shomaihôjabai, arô nônshôro anni shô-  
 longraphôr jagôn.

### Onjlainaini thakhôi

9 Aphaya ankhôu ona' môn badi, anbô nônshôrkhou onbai.  
 10 Nônshôro anni onnainiao thaphlaidô ! Nônshôro anni thônai-

phôrkhôu maniô bla, anô anni Aphani thônnaiphôrkhôu  
 maniyôi' maniyôi' bini onnaiao thaphlaiô badi, nônshôrô  
 11 anni onnaiao thaphlaigôn. Bephôrkhôu an nônshôrnô'  
 hônbai, anni roñjanaia nônshôrniao thanai badi, arô nônshôrni  
 12 roñjanaia japhuñnai badi. Benô anni thônnaï, an nônshôrkhôu  
 ona' môn badi, nônshôrô gaojôn gao onjlaidô hōnnanôï.  
 13 Gaoni phishigiphôrni thakhôi gaoni jiukhôu hônaini khurôi  
 14 dershin onnai raohabô gôia. Nônshôrô an nônshôrkhôu  
 15 thônnaï badi khalambla, nônshôrô anni phishigiphôr. An  
 nônshôrkhôu leñphôr muñkhobaolia, manôna leña gaoni  
 bigbani maonaikhôu mithia. Bobekhani an nônshôrkhôu  
 phishigiphôr muñkhobai, manôna an anni Aphaniphrai  
 16 khōnanai manikhôu anô nônshôrnô' mithihôbai. Nônshôrnô  
 ankhôu shaikhoakhôi, bobekhani anô nônshôrkhôu shai-  
 khobai, arô anô nônshôrkhôu phoshonbai, nônshôrô than-  
 nanôï phithai thainai badi, arô nônshôrni phithaia thanai  
 badi, nônshôr anni muñôi Biphanaio binai manikhôu biô  
 17 nônshôrnô' hônai badi. An nônshôrnô' bephôrkhôu thônô,  
 nônshôrô gaojôn gao onjlaidô hōnnanôï.

**Shonsharni mugôinaï, borsha khalamnai arô Gôthar Jiuni  
 thakhôi**

18 Shoñshara nônshôrkhôu mugôio bla, nônshôrô mithi, biô  
 19 nônshôrni shigan ankhounô mugôibai hōnnanôï. Nônshôrô  
 shoñsharni jabla, shoñshara gaonikhôu ongôu môn. Bobe-  
 khani nônshôrô shoñsharni noña, bobekhani anô nônshôrkhôu  
 shoñsharniphrai shaikhobai, bini khainô shoñshara  
 20 nônshôrkhôu mugôio. An nônshôrnô' hōnnai bathrakhôu  
 gôshôkhan : Leña gaoni bigbani khurôi dershin noña.  
 Bishôrô ankhôu hôshôbai bla, bishôrô nônshôrkhôubô hôshôgôn.  
 Bishôrô anni bathrakhôu manibla, bishôrô nônshôrni-  
 21 khôubô manigôn. Bobekhani bishôrô ankhôu thōnhogra-

khôu mithiyôi khai, bishôrô bephôr manikhôu anni munni  
 thakhôi nônshôrni shayao khalamgôn. Anô phôinanôi  
 22 bishôrkhôu buña môn bla, bishôrha phap' janai noña môn,  
 bobekhani danô bishôrni phabni thakhôi bishôrha onla gôia.  
 23-24 Ankhôu mugôigraya anni Aphakhôubô mugôiô. Gubun  
 raobô maoôi habaphôrkhôu an bishôrni gejerào maoa môn  
 bla, bishôrha phap' janai noña môn. Bobekhani bishôrô  
 danô bephôrkhôu nubaibô, ankhôubô anni Aphakhôubô  
 25 mugôibaibô. Bobekhani bebadinô jayashôi, bishôrô ankhôu  
 ôrôinô mugôibai hōnnanôi, bishôrni ayenao lirnai bathraya  
 26 japhuñnai badi. An Aphaniphrai nônshôrniao thōnhorgôn  
 banshogra, Aphaniphrai onkharbônai noṅgôuni Jiua phôi-  
 27 bla, biô anni thakhôi shakhi hōgôn. Bobekhani nônshôrô  
 jajennainiphrai anjôn lôgôshe thanai khai, nônshôrbô shakhi  
 hōgôn.

**16** Bephôrkhôu an nônshôrnô' khôthabai, nônshôrô shôu-  
 2 kthuyôi badi. Bishôrô nônshôrkhôu khulumgra noni-  
 phrai huongôn. Ôu, jagôn mugayao nônshôrkhôu shithargra  
 shaphrômbô, biô Ishôrkhôu dao dao khalambai hōnnanôi,  
 3 shangôn. Arô bishôrô Biphakhôu ankhôubô mithiyôi khai,  
 4 bishôrô bephôrkhôu khalamgôn. Bobekhani bephôrkhôu  
 an nônshôrnô' khôthabai, biphôrni mugaya jabla, an nôn-  
 shôrnô' bephôrkhôu khôthabai hōnnanôi, nônshôrô gôshô-  
 khañnai badi. An nônshôrjôn lôgôao thanai khai, jajennaini-  
 phrai anô nônshôrnô' bephôrkhôu khôthayakhôi.

### Gôthar Jiuni thakhôi

5 Danô ankhôu thōnhorgraniao an thannôshôi, arô nônshôrni  
 6 raobô anniao shōña : Nônô bôuha thannô? Bobekhani an be-  
 phôrkhôu nônshôrnô' khôthanaï khai, bikha khamnaia nôn-  
 7 shôrni gôshôkhôu shôphuñbai. Oblabô anô noṅgôukhôu  
 nônshôrnô' hōnô : An thannaia nônshôrni thakhôi gaham.

Manôna an thañbla, banshograya nôñshôrniao phôitharnai  
 noña. Bobekhani an thañbla, an bikhôu nôñshôrniao  
 8 thôn horgôn. Arô biô phôi bla, biô shônsharkhôu phap,  
 9 dhôrôm arô bisharni thakhôi raithithegôn. Phabni thakhôi,  
 10 manôna bishôrô ankhôu phôthaia. Dhôrômni thakhôi, manôna  
 an Aphaniao thañnôshôi, arô nôñshôrô ankhôu nubaonai  
 11 noña. Bisharni thakhôi, manôna be shônsharni gôraya bishar  
 12 khalamjabai. Nôñshôrnô' khôthanô anha bimainô donbaoô,  
 13 bobekhani nôñshôrô dabô shôinô haya. Bobekhani bi nôngôuni  
 Jiua phôi bla, biô gashôinô nôngôuao nôñshôrkhôu dôiden-  
 laigôn. Manôna biô gaoni bôlôjôn khôthanai noña, bobekhani  
 bi khônanaï manikhôu biô buñgôn, arô biô jagônphôrkhôu  
 14 nôñshôrnô' khôthagôn. Biô ankhôu shomaihôgôn, manôna biô  
 15 annikhôu lananôi nôñshôrnô' khôthagôn. Aphaha donnai  
 maniphra anni. Bini khainô an buñbai, biô annikhôu lananôi  
 16 nôñshôrnô' khôthagôn hônnanôi. Dandisheni unao nôñshôrô  
 ankhôu nubaonai noña, arô dandishebaoni unao nôñshôrô an-  
 17 khôu nugôn." Bini khainô bini shôlôngraphôrni khai pha gaojôn  
 gao hônjlaiashôi : "Biô jônkhôu ma hônkhô : Dandisheni  
 unao nôñshôrô ankhôu nunai noña, arô dandishebaoni unao  
 nôñshôrô ankhôu nugôn? Arô an Aphaniao thañnôshôi  
 18 hônnanôi?" Bini khainô bishôrô hônashôi : "Dandishe  
 hônnanôi biô ma buñkhô? Biô ma hônô, jôn mithia."  
 19 Jishua mithiashôi, bishôrô biniao shônno gôshô jadôn  
 môn hônnanôi, arô biô bishôrkhôu hônashôi : "Dandi-  
 sheni unao nôñshôrô ankhôu nunai noña, arô dandishebaoni  
 unao nôñshôrô ankhôu nugôn hônnanôi, bini thakhôi nôñ-  
 20 shôrô gaojôn gao shanj laidôn na ma? Nonthargôu, non-  
 thargôu an nôñshôrkhôu hônô : Nôñshôrô gabgôn arô gab-  
 khraogôn, bobekhani shônshara ronjagôn. Nôñshôrha bikha  
 khamgôn, bobekhani nôñshôrni bikha khamnaia ronjanai  
 21 jashlaigôn. Hinjaoa shariô bla, bini mugaya janai  
 khai, biha bikha khamô. Bobekhani biô gothokhôu sha-

- rikhañô bla, shoñsharao shashe manshi sharijanaini roñ-  
 janaijônñô biô gaoni nashoijanaikhôu gôshôkhañbaoa.
- 22 Nônshôrhô danô bikha khamdôn. Bobekhani añ nôn-  
 shôrkhôu nubaogôn, arô nônshôrni gôshôa roñjagôn, arô  
 raobô nônshôrni roñjanaikhôu nônshôrniphrai lañnai noña.
- 23 Bi shanao nônshôrô añniao muñbô shônñai noña. Non-  
 thargôu, nonthargôu, añ nônshôrkhôu hônô : Nônshôrô  
 Aphaniao maba bibla, biô anni muñôi nônshôrnô' hógôn.
- 24 Da shim nônshôrô anni muñôi muñbô biakhôi. Nônshôrô bi',  
 obla nônshôrô môngôn, nônshôrni roñjanaia japhuñnai badi.
- 25 Bephôrkhôu añ phannaiphôrjôn nônshôrnô' khôthabai.  
 Jagôn mugayao añ phannaiphôrjôn nônshôrnô' khôthabaonai  
 noña, bobekhani añ Aphanikhôu nônshôrnô' thalayôinô
- 26 mithihógôn. Bi shanao nônshôrô anni muñôi bigôn,  
 arô anô buña, annô Aphaniao nônshôrni thakhôi bigôn  
 hónnanôi. Manôna nônshôr ankhôu onnai khai, arô anô
- 27 Ishôrniphrai onkharbôbai hónnanôi, nônshôr phôthainai khai,
- 28 Aphaya gaonô nônshôrkhôu onô. Anô Aphaniphrai onkhar-  
 bôbai arô shoñsharao phôibai. Añ shoñsharkhôu galañ-
- 29 baonanôi Aphaniao thannôshôi." Bini shôlôngraphra hôn-  
 shôi : "Nai, nônô danô thalayôinô hônô arô muñbô phannai-
- 30 khôu buña. Danô jônô mithibai, nônô gashôikhôubô  
 mithigôu, arô shôrba nônñiao shônñô nônñô' naña hónnanôi.  
 Bijônñô jônô phôthaiô, nônô Ishôrniphrai onkharbôba
- 31 hónnanôi." Jishua bishôrkhôu bunphinashôi : "Danô nôn-
- 32 shôrô phôthaibai? Nai, mugaya janôshôi arô jakhabai,  
 shaphrômbô lether phether jananôi gao gaoniphôrao than-
- gôn arô ankhôu hashinôi galañgôn. Oblabô annô hashinôi
- 33 noña, manôna Aphaya anjôn lôgôshe don. Bephôrkhôu añ  
 nônshôrnô' khôthabai, nônshôrha añniao gôjônñai thanai  
 badi. Shoñsharao nônshôrha nashoijanai don. Bobekhani  
 nônshôrô gôhô khalam ! Annô shoñsharkhôu phejenbai."

**Dôuri gedert badi Jishuni binai**

**17** Bephôrkhôu buñnanôî Jishua gaoni mogonphôrkhôu nokhrañni thiñôi dikhañnanôî hônashôi : “Ô Apha, mugaya jakhabai. Nônni nônshajlakhôu shomaihô, Bisha hâuaya  
**2** nônkhôu shomaihônai badi, manôna nônô binô’ bedort manimi shayao bôlô hôbai, nôn binô’ hônai maninô’ biô jôbnô gôiôi  
**3** gôthanhôu hônai badi. Benô jôbnô gôiôi gôthan, bishôrô nôn shashe lo noñgôu Ishôr arô nônjôn thônhorjanai Jishu  
**4** Khristhokhôu mithithôn hônnanôî. Nôn ainnô’ maonô hônai habakhôu maojôbnanôî anô nônkhôu hayao shomai-  
**5** hôbai. Arô danô, ô Apha, shoñshar jaya shayaonô anha nônñiao thanai shomainaijôn nônñiao ankhôu shomaihô !  
**6** Nôn shoñsharniphrai ainnô’ hônai manshiphônô’ an nônni muñkhôu nujahôbai. Bishôrô nônñinô môn, arô nônô bishôrkhôu ainnô’ hôbai, arô bishôrô nônni bathrakhôu manibai.  
**7** Danô bishôrô mithibai, nôn ainnô’ hônai mania nônñiphrainô  
**8** hônnanôî. Manôna nôn ainnô’ hônai bathraphôrkhôu an bishônô’ hôbai, arô bishôrô lananôî mithibai, an noñgôuôi’ nônñiphrai onkharbôbai hônnanôî, arô bishôrô phôthaibai,  
**9** nônô ankhôu thônhorbai hônnanôî. Ainnô bishôrni thakhôi biô. Shoñsharni thakhôi an bia, bobekhani nôn ainnô’  
**10** hônaiophôrni thakhôi shô’, manôna bishôrô nônñinô, arô aini mania nônñinô, arô nônñia ainninô, arô anô bishônñiao  
**11** shomaihôjabai. Ainnô shoñsharao thabaoa, bobekhani bishôrô shoñsharao, arô anô nônñiao thannôshôi. Ô Gôthar Apha, nôn ainnô’ hônai nônni muñôi bishôrkhôu nephloidô,  
**12** bishôrô jôn badinô mônshê janai badi ! An bishôrjôn thashi-  
 ao, nôn ainnô’ hônai nônni muñôi anô bishôrkhôu naiphlainanôî nebôbai, arô hophainaini bishajlaya noñabla bishôrni  
**13** raobô hophaiakhôi, gôthar lirnaia japhuñnai badi. Danô an nônñiao thannôshôi, arô bephôrkhôu an shoñsharao buñô, bishôrô aini roñjanaikhôu gao gaoniao japhuñnai mônñai

14 badi. Anô bishôrnô' nônni bathrakhôu hôbai, arô anbô  
 shoisharni noña badi bishôr shoisharni nonôi khai, shoishara  
 15 bishôrkhôu mugôibai. An bia, nônni bishôrkhôu shoisharni-  
 phrai lañdô, bobekhani nônni bishôrkhôu Gajriniphrai ne-  
 16 phlaidô hōnnanôî. Anô shoisharni noña badi, bishôrbô shoî-  
 17 sharni noña. Bishôrkhôu noñgôuao phôthar! Nônni ba-  
 18 thraya noñgôu. Nônnô ankhôu shoisharao thônhora' môn  
 19 badi, anbô bishôrkhôu shoisharao thônhorbai. Arô bishôrnî  
 thakhôî an gaokhôu phôtharô, bishôr gaoshôrbô noñgôuao  
 20 phôtharjanai badi. Bishôrnî thakhôî lo an bia, bobekhani  
 bishôrnî bathrajôn ankhôu phôthaigraphôrnî thakhôîbô, bishôr  
 21 boibô mônshê janai badi, nônni Apha anniao, anbô nônniao  
 badi, bishôrbô jônniao mônshê janai badi, shoishara phô-  
 22 thainai badi, nônnô ankhôu thônhorbai hōnnanôî. Nônni  
 anô' hōnai shomainaikhôu anbô bishôrnô' hôbai, jônô  
 23 mônshê badi, bishôrbô mônshê janai badi. Anô bishôrnî-  
 niao nônnô anniao, bishôrnô gurgonânôî mônshê janai  
 badi, shoishara mithinai badi, nônni ankhôu thônhorbai  
 arô ankhôu onbai badi, nônnô bishôrkhôu onbai hōnnanôî.  
 24 Ô Apha, an gôshô jayô, nônni anô' hōnaiphôrabô an thanaiao  
 anjôn lôgôao thathôn hōnnanôî, bishôrnô nônni anô' hōnai  
 anni shomainaikhôu nunai badi, manôna shoisharkhôu daya  
 25 shayaonô nônnô ankhôu onbai. Ô dhôrômia Apha, shoishara  
 nônnkhôu mithiakhôî, bobekhani anô nônnkhôu mithibai, bishôrnî-  
 26 bô mithibai, nônnô ankhôu thônhorbai hōnnanôî. Arô an  
 bishôrnô' nônni munkhôu mithihôbai arô mithihôgn, nônni  
 ankhôu onnai onnaia bishôrnî niao anbô bishôrnî niao thanai badi."

### Jishukhôu homnai

**18.** Bephôrkhôu buñnanôî Jishua gaoni shôlôngraphôrnî  
 Khedronni dôikhoñ barôî' onkharlanphayashôî, biao gon-

2 she bagan don môn, biô gaonô gaoni shôlôngraphrabô biao  
 3 habashôi. Bikhôu gothaigra Judashabô bi jaigakhôu mithigôu  
 môn, manôna Jishua gole gole gaoni shôlôngraphôrjôn biao jo  
 janai môn. Obla Judasha daoha naingraphôrni hanja arô dôuri  
 gederphôr arô Pharishaiphôrniphrai thandôiphôrkhôu lananôi  
 4 bonjarphôr, jeaoriphôr arô akjuphôrôi' biao thanashôi. Jishua  
 gaoni shayao jagôn maniphôrkhôu mithibla, biô onkharnanôi  
 bishôrkhôu hônashôi : "Nônshôrô shôrkhôu naigirdôn?"  
 5 Bishôrô bikhôu bunphinashôi : "Nasharethni Jishukhôu."  
 6 Biô bishôrkhôu hônashôi : "Anô binô." Bikhôu gothaigra  
 Judashabô bishôrjôn goshoiphadôn môn. Anô binô hônnanôi,  
 Jishua bishôrkhôu bunbla, bishôrô inshlothnanôi hayao go-  
 7 glôishôi. Obla biô bishôrniao shônbaoashôi : "Nônshôrô  
 shôrkhôu naigirdôn?" Bishôrô hônashôi : "Nasharethni  
 8 Jishukhôu." Jishua bunphinashôi : "An binô hônnanôi,  
 an nônshôrkhôu hônbai. Bini khainô nônshôrô ankhôu  
 9 naigirbla, bishôrkhôu thanô hôdô!" Bi hônna bathraya  
 japhunai badi : "Nôn anô' hōnaiphôrni raokhoubô an  
 10 khômayakhôi." Obla Shimon Phethorha gonshe thungri thanai  
 khai, biô bikhôu bokhōnanôi dôuri gederni lenkhôu shurnanôi  
 bini agda khômakhôu dankhagarashôi. Bi lenni muña  
 11 Malkhush môn. Jishua Phethorkhôu hônashôi : "Nônini  
 thungrikhôu bikhobao shô'! Anni Aphaya anô' hōnai  
 khurinikhôu an lônô nana khôma?"

### **Annash arô Khaiaphashni shigahao. Phethorni phôlanai**

12 Obla daoha naingraphôrni hanja arô shanthri gahai arô Judai-  
 13 ariphôrni thandôiphra Jishukhôu homnanôi khayashôi arô  
 bikhôu Annashniao langrôashôi. Manôna biô bi bôshôrni  
 14 dôuri gedert Khaiaphashni bihao môn. Khaiaphasha Judai-  
 ariphôrnô' lai hōa' môn, hadorni manshiphôrni thakhôi shashe  
 15 manshini thôinaia gaham hônnanôi. Shimon Phethor arô



gubun shashe shôlôngra Jishuni un un thanashô. Bi  
 shôlôngraya dôuri gederjôn mithijanai môn, arô biô Jishujôn  
 16 dôuri gederni shithlayao happhayashô, bobekhani Phethora  
 dorni baherao goshoñbai thayashô. Obla dôuri gederjôn  
 mithijanai bi gubun shôlôngraya oñkharlananô dor negra  
 17 lenjôjôn raijlainanô Phethorkhâu habhêashô. Dor negra  
 lenjôa Phethorkhâu hônashô : “Nônô bi manshini shôlôn-  
 graphôni shashe noña khôma?” Biô hônashô : “Ôhô, an  
 18 noña.” Lenphôr arô thandôiphra gushu janai khai hangarao  
 ort shunanô goshoñnanô shaibai thadôn môn. Phethorabô  
 19 bishôrjôn goshoñphananô shaibai thadôn môn. Obla dôuri  
 gedera Jishuniao bini shôlôngraphôni arô bini phôrônaini  
 20 thakhôi shônashô. Jishua bikhâu buñphinashô : “Anô  
 shoñsharao thalayôinô buñbai. Anô lagarbô khulumgra  
 noao arô gôthar noao, boibô Judaiariphôr jothumnaiao phô-  
 21 rônnai môn, arô shrôthôi’ an munbô buñakhôi. Nôn manô  
 anniao shônô? Annikhâu khônagraphôniao shôn, an  
 bishônô’ ma buñkhô hônnanô. Nai, an buñnaiphôrkhâu  
 22 bishôrô mithigôu.” Bobekhani biô bephôrkhâu buñphunai-  
 ao biao goshoñnai thandôiphôni shashea Jishukhâu shôba-  
 nanô hônashô : “Nôn dôuri gederkhâu bebadinô buñphinô?”  
 23 Jishua bikhâu buñphinashô : “Anô gajriôi’ buñbla, gajrini  
 thakhôi shakhi hô, bobekhani môjanô’ buñbla, nôn manô  
 24 ankhâu buyô?” Obla Annasha bikhâu dôuri gedert Khaia-  
 25 phashniao khajaôinô thônhorashô. Oblabô Shimon Phethora  
 goshoñnanô shaibai thadôn môn. Obla bishôrô bikhâu  
 hônashô : “Nônô bini shôlôngraphôni shashe khôma?”  
 26 Biô phôlananô hônashô : “Ôhô, an noña.” Dôuri  
 gederni lenphôni shashe, Phethorjôn khômakhâu dankha-  
 garjanaini khurma oshea hônashô : “Anô baganao bijôn  
 27 lôgôshe nôñkhâu nuakhôi khôma?” Obla Phethora phôla-  
 baoashô, arô daojlaya thabnô gishirashô.

### Philathni shigañao

- 28 Obla bishôrô Jishukhâu Khaiaphashniphrai hadort beigrani gôgôm noao lañashôi. Phuñjani môn. Arô bishôr gaoshôrnô gôgôm noao habakhôishôi, bishôrô khalai jayôi badi, bobekhani Phaskhani menda bishakhâu janô hanai
- 29 badi. Bini khainô Philatha bishôrniao oñkharonnanôi bishôrkhâu hônashôi : “Nônshôrô be manshini shayao ma ernai-
- 30 khâu labôdôn?” Bishôrô buñphinnanôi bikhâu hônashôi : “Biô gajrikhâu khalaigra jayabla, jônô bikhâu nônnô’ go-
- 31 thainai noña môn.” Obla Philatha bishôrkhâu hônashôi : “Nônshôrnô bikhâu lañnanôi nônshôrni ayen badi bikhâu bishar khalam!” Judaiariphra bikhâu hônashôi : “Jônô
- 32 ayen badi raokhôubô shitharnô haya.” Jishua bobe thôinai-jôn thôigôn dinthinanôi bini hônnaï bathraya japhuñnai badi,
- 33 bebadinô jayashôi. Obla Philatha gôgôm noao happhinashôi arô Jishukhâu liñnanôi biô bikhâu hônashôi : “Nônô Judai-
- 34 ariphôrni raja?” Jishua buñphinashôi : “Nônô gaonô bikhâu hônô, noñabla gubunphra nônnô’ añni thakhôi khôthabai?”
- 35 Philatha buñphinashôi : “Añô Judaiari khôma? Nônni hadorni manshiphôr arô dôuri gederphra añnô’ nôñkhâu gothaïbai.
- 36 Nônô ma khalaikhô?” Jishua buñphinashôi : “Añni raijôa be shoñsharni noña. Añni raijôa be shoñsharni jabla, añni thandôiphra daoha nañgôn môn, añô Judaiariphôrnô’ gothai-
- 37 jayôi badi. Bobekhani ða añni raijôa beaoni noña.” Bini khainô Philatha bikhâu hônashôi : “Obla nôn raja maranô?” Jishua buñphinashôi : “Nônô hônkhayô, añô raja hônnanôi. Bini thakhôi añô sharijabai, arô bini thakhôi añô shoñsharao phôibai, añô noñgôuni thakhôi shakhi hônai badi. Noñgôuni
- 38 shaphrômbô añni raokhâu khônashônô.” Philatha bikhâu hônashôi : “Noñgôua ma?” Arô bikhâu buñnanôi biô bikhâu Judaiariphôrniao oñkharonlañbaonanôi bishôrkhâu hônashôi :

39 “Anô biniao muñbô dai môna. Bobekhani nônshôrha mônshe  
huda doñ, an Phaskhani phorobao nônshôrnô’ shashekhôu  
hogarô hōnnanôî. Bini khainô nônshôrô gôshô jayô, anô  
40 nônshôrnô’ Judaiariphôrnî rajakhôu hogarnô?” Obla bishôrô  
gabjrikhraobaonanôî hōnashôî : “Bikhôu noña, bobekhani  
Barabbashkhôu shô’!” Bi Barabbasha shegra môn.

**19** Oblanô Philatha Jishukhôu lañnanôî bushôgarhōashôî.  
2 Arô daoha nañgraphra shuni malakhôu hebnanôî bini  
khorao ganhôashôî, arô bishôrô binô’ gôjashrôm hikhôu  
3 ganhôashôî, arô bishôrô biniao thanñnanôî hōnashôî : “Gô-  
jônthôn, ô Judaiariphôrnî raja!” Arô bishôrô bikhôu shô-  
4 bayashôî. Philatha oñkharonlañbaonanôî bishôrkhôu hōna-  
shôî : “Nai, anô nônshôrnô’ bikhôu labōonnôshôî, nônshôrô  
5 mithinai badi, an biniao muñbô dai môna hōnnanôî.” Obla  
Jishua shuni malakhôu arô gôjashrôm hikhôu gannanôî  
oñkharonashôî. Arô Philatha bishôrkhôu hōnashôî : “Nai,  
6 manshia!” Dôuri gederphôr arô thandôiphra bikhôu nubla,  
bishôrô gabjrikhraonanôî hōnashôî : “Khrushao dôkthap’,  
khrushao dôkthap’!” Philatha bishôrkhôu hōnashôî : “Nôn-  
shôrnô bikhôu lañnanôî khrushao dôkthap’! Manôna an  
7 biniao muñbô dai môna.” Judaiariphra bikhôu buñphina-  
shôî : “Jônha mônshe ayen doñ, arô biô gaokhôu Ishôrnî  
bisha hôua khalamnai khai, biô bi ayen badi thoinô nañgôu.”  
8-9 Philatha be bathrakhôu khōnabla, biô gishinashôî, arô gôgôm  
noao habbaonanôî biô Jishukhôu hōnashôî : “Nônô  
bobeniphrai?” Bobekhani Jishua bikhôu muñbô buñ-  
10 phinakhôishôî. Obla Philatha bikhôu hōnashôî : “Nôn  
añjôn rajlaia? Nônô mithia, nônkhôu hogarnô anha bôlô  
doñ, nônkhôu khrushao dôkthabnôbô anha bôlô doñ hōnna-  
11 nêi?” Jishua buñphinashôî : “Gôjôuniphrai nōnô’ hô-  
jaya môn bla, nōnha anñi shayao muñbô bôlô gôia. Bini

- 12 khainô nônnô' ankhôu gothaiagraha dershin phap' don." Bini thakhôi Philatha bikhôu hogarnô hasthaiashôi. Bobekhani Judaiariphra gabjrikhraonanôi hônashôi : "Nônô bikhôu hogarbla, nônnô Khôishorni phishigi noña. Gaokhôu raja khalaigra shaphrômbô Khôishorni shayao barjiuô."
- 13 Obla Philatha bi bathraphôrkhôu khônananôi Jishukhôu lanonashôi, arô biô onthai jabnai bobekhani Ebraini raojôn
- 14 Gabbatha hônjanai jaigayao bisharni jograyao joashôi. Phas-khani tham thim khalamnaini shan môn, mugadoni shô' môn. Arô biô Judaiariphôrkhôu hônashôi : "Nai, nônnshôrni
- 15 rajaya !" Obla bishôrô gabjrikhracashôi : "Lan, lan, bikhôu khrushao dôkthap' !" Philatha bishôrkhôu hônashôi : "An nônnshôrni rajakhôu khrushao dôkthabnô ?" Dôuri gederphra buñphinashôi : "Khôishorkhôu nagarnanôi jônha
- 16 raja gôia." Oblanô biô khrushao dôkthabjanô thakhôi bikhôu bishôrnô' gothaiashôi. Obla bishôrô Jishukhôu lanashôi.

### Jishukhôu khrushao dôkthabnai

- 17 Arô gaoni khrushkhôu bannanôi biô khorô begeni hônjanai
- 18 jaigayao onkharlanashôi, biô Ebraini raojôn Golgatha hônjayô, biao bishôrô bikhôu arô bijôn gubun shanôikhôu pharnôini thiôi, bobekhani Jishukhôu gejerào khrushao dôkthabashôi.
- 19 Philatha shayaoni linaikhôubô liranôi khrushao shithabhôashôi. Biao lirjanai don môn :
- "NASHARETHNI JISHU, JUDAIARIPHÔRNI RAJA."
- 20 Obla Judaiariphôrni gôbaña bi shayaoni linaikhôu phoraia-shôi, manôna Jishu khrushao dôkthabjanai jaigaya nôgôrni khathiao môn. Arô linaia Ebraiphôrni, Romariphôrni arô
- 21 Grikphôrni raojôn lirjadôn môn. Obla Judaiariphôrni dôuri gederphra Philathkhôu hônashôi : "Judaiariphôrni raja dalirt, bobekhani biô hândôn môn : Anô Judaiariphôrni
- 22 raja, bikhôu lirdô !" Philatha buñphinashôi : "An

23 lirmaikhônô lîrbai an." Daoha nañgraphra Jishukhôn  
 khrushao dôkthabbla, bishôrô bini hiphôrkhôn lananôi  
 bokhrabrôi khalamashôi, daoha nañgra shaphrômbô  
 bokhrashe mônashôi, arô bishôrô goshlakhônubô layashôi.  
 Bobekhani goshlaya shujanai gôia môn, shaniphrai  
 24 jôbjashe dajanai môn. Bini khainô bishôrô gaojôn  
 gao hônjlaiashôi : "Jônô bikhôn dabishi, bobekhani jônô  
 bini thakhôi gor geleni, biô shôrni jagôn hônnanôi." Benô  
 jayashôi, gôthar lirmaia japhuñnai badi : "Bishôrô gao gaoni  
 gejerao anni hiphôrkhôn ranjlaibai arô anni goshlani thakhôi  
 gor gelebai." Bini khainô daoha nañgraphra bephôrkhôn  
 25 khalaiashôi. Bobekhani Jishuni khrushni khathiao bini  
 bima arô bini bimani bibo binanao, Khlophashni bihi Mariam  
 26 arô Magdalani Mariama goshoñbai thadôn môn. Jishua  
 bimakhôn arô gao onnai shôlôngrakhôn khathiao goshoñnai  
 nubla, biô bimakhôn hônashôi : "Ô ai, nai, nôñni nôñsha-  
 27 jlaya !" Biniphrai biô shôlôngrakhôn hônashôi : "Nai,  
 nôñni nômaya !" Arô bi muaniphrai shôlôngraya bikhôn  
 gaoniao lanashôi.

### Jishuni thônai

28 Bini unao, gashôibô jajôbkhabei hônnanôi, Jishua mithibla,  
 gôthar lirmaia jajôbnai badi, biô hônashôi : "Anha ganđônô."  
 29 Biao gôkhôi drakha bidôi bunjashe gonshe dô don môn.  
 Obla bishôrô gôkhôi drakha bidôi bunjashe bidôi shôbkhân-  
 30 grakhôn eshobao\* thunanôi bini khôugayao hôashôi. Jishua  
 gôkhôi drakha bidôikhôn labla, biô hônashôi : "Jajôbbai."  
 Arô khorokhôn gonnanôi biô jiu horashôi.  
 31 Bini khainô tham thim khalamnaini shan janai khai jirainai  
 shanao môdômphra khrushao thayôi badi,—manôna bi shana  
 gedert môn,—Judaiariphra Philathniao khaolaiashôi, bishôr-

\* Eshob=phanhe gaijrap' jrap' biphatni muh.

32 ni athiñphra shiphaijananôî lanjathôn hōnnanôî. Obla  
 33 daoha nañgraphra thañnanôî bijôn khrushao dôkthappa-  
 34 janai shigañni gubunnibô athiñphôrkhôu shiphaiashôî.  
 35 Bobekhani bishôrô Jishuniaô thañnanôî, bikhôu thôikhanai  
 36 nubla, bishôrô bini athiñphôrkhôu shiphaiakhôishôî, bobe-  
 37 khani daoha nañgraphôrni shashea bini ohebao jonjôn shua-  
 38 shôî, arô thabnô thôî arô dôî onkharashôî. Arô bikhôu  
 39 nugraya shakhi hôbai—arô bini shakhi hōnaia noñgôu, arô  
 40 biô noñgôukhôu bunô hōnnanôî—nōnshôrbô phôthainai  
 41 badi. Manôna bephôrô jayashôî, gôthar lirnaia japhuñnai  
 42 badi : “Bini begen goñshebô shiphaijanai noña.” Arô  
 43 arbao gôthar lirnaia gubunao hōnô : “Bishôrô gaoshôrjôn  
 44 shuphlonjanaini thinôî naigôn.”

### Jishukhôu phobnai

38 Arimathaini Josheba Judaiariphôrkhôu ginai khai shrôthôî’  
 39 Jishuni shôlōngra môn, biô bephôrni unao Jishuni môdôm-  
 40 khôu lañnô thakhôî Philathniaô khaolaiashôî. Arô Philatha  
 41 lañnô hôashôî. Bini khainô biô thañnanôî bini môdômkhôu  
 42 lañashôî. Bobekhani shigañao biniao horao thañnai Nikho-  
 43 demabô thañnanôî gondoroshjôn ugurujôn golaijanai sher  
 44 khaoba shô’ lañphayashôî. Obla bishôrô Jishuni môdôm-  
 45 khôu lañnanôî Judaiariphôrni phobnaini huda badi bikhôu  
 46 phashra hijôn môdômgraphôrôî’ phanphobashôî. Jishu  
 47 khrushao dôkthabjanai jaigayao goñshe bagan don môn,  
 48 arô bi baganao khorshe gôdan gôthôî hakhor don môn, biao  
 49 raobô phuthujayakhôî môn. Bini khainô bishôrô Judai-  
 50 ariphôrni tham thim khalamnaini shan janai khai, Jishukhôu  
 51 biao phuthuashôî, manôna gôthôî hakhora khathi môn.

### Jishuni shikhañphinnai

20 Hapthani shansheniao Magdalani Mariama nokha naishi  
 21 naishi, khômshi don mônaonô gôthôî hakhoraô thañnanôî

2 onthaikhôu gôthôi hakhorniphrai narkhanai nuashôi. Obla  
 biô kharnanôi Shimon Phethor arô Jishu onnai gubun shô-  
 lôngraniao thañnanôi bishôrkhôu hônashôi : “Bishôro Phôrbu-  
 khôu gôthôi hakhorniphrai lañbai, arô bishôro bikhôu bobea  
 3 dônbai hônnanôi, jônô mithia.” Obla Phethor arô gubun  
 shôlôngraya onkharlañnanôi gôthôi hakhora  
 4 Bi shanôia lôgôsheôinô kharlañashôi, bobekhani gubun shô-  
 lôngraya Phethorni khurôi gôkhrôishin khargrôlañnanôi  
 5 gôthôi hakhora shohôigrôashôi, arô naikhoñkhrenanôi biô  
 phashra hiphôrkhôu dônjanai nuashôi, bobekhani biô haba-  
 6-7 khôishôi. Obla Shimon Phethora bini un un thañnanôi  
 shohôishôi, arô biô gôthôi hakhora habashôi. Biaonô biô  
 phashra hiphôrkhôu dônjanai arô bini khoroni shayao thanai  
 phalikhôu phashra hiphôrjôn lôgôshe dônjayôi, bobekhani  
 8 gubunôi’ dabsheao thonjanai nuashôi. Oblanô gôthôi ha-  
 khora shohôigrônai gubun shôlôngrayabô habashôi, arô  
 9 nunanôi biô phôthaiashôi. Manôna bishôro oblabô gôthar  
 lirmaikhôu mithithoakhôi môn, biô gôthôiphôrniphrai shikhañ-  
 10 phinnô nañgôu hônnanôi. Obla shôlôngraphra gao gaoniao  
 thañphinashôi.

### **Magdalani Mariamjôn Jishuni nujanai**

11 Bobekhani Mariama gôthôi hakhorni baherao gabôi’ gabôi’  
 goshoñbai thayashôi. Obla biô gapphunaiao gôthôi hakhora  
 12 naikhoñkhrenanôi shanôi arphophôrkhôu guphurt hiphôrôi’  
 Jishuni môdômkhôu phuthunaini khoro shayao shashekhôu  
 13 arô aphañao shashekhôu jonai nuashôi. Bishôro bikhôu  
 hônashôi : “Ô ai, nôn manô gabôn?” Biô bishôrkhôu  
 hônashôi : “Manshipra añni Phôrbukhôu lañbai, arô bishôro  
 14 bikhôu bôuha dônbai hônnanôi, añô mithia.” Bephôrkhôu  
 buñnanôi biô un thinôi gidinñnanôi Jishukhôu goshoñbai thanai  
 nuashôi, bobekhani biô Jishu hônnanôi, biô mithiakhôishôi.

15 Jishua bikhôu hônashôï : “Ô ai, nôn manô gabdôn, nônô shôrkhôu naigirô?” Biô bikhôu baganni mali noınnanôï bikhôu hônashôï : “Ô apha, nônô bikhôu laıdônbla, nônô bikhôu bôuha dônđôn hônnanôï, aınnô' khôtha, obla aınô  
 16 bikhôu laıgôn.” Jishua bikhôu hônashôï : “Ô Mariam.” Biô gidınnanôï Ebraini raojôn bikhôu hônashôï : “Rabbuni”  
 17 —biô ô guru hônjayô.— Jishua bikhôu hônashôï : “Aıkhôu dadan, manôna aın dabô Aphanıao gakhôakhôï. Bobekhani aıni phonbaiphôrnıao thannanôï bishôrkhôu hônhôï : Aınô aıni Aphanıao arô nônshôrni Nômphanıao, aıni Ishôrnıao  
 18 arô nônshôrni Ishôrnıao gakhônôshôï.” Magdalani Mariama shôlôngraphôrnıao thannanôï khôthayashôï : “Aınô Phôrbukhôu nubai”, arô biô bıno' biphôrkhôu hônbai hônnanôï.

### Thônhorjanaiphôrjôn Jishuni nujanai

19 Bı shanao hapthani shanshenıao, mônabili jabla, arô shôlôn-graphıra thanıao, dorphıra Judaiariphôrkhôu gınai khai phan-thejabla, Jishua phôınanôï gejerao goshoınnanôï bishôrkhôu  
 20 hônashôï : “Nônshôrha gôjônıai jathôn!” Arô bikhôu buınnanôï biô gaoni akhaiphôrkhôu ohebkhôubô bishôrnô'  
 21 dınthıashôï. Obıa shôlôngraphıra Phôrbukhôu nunanôï ron-jayashôï. Obıa Jishua bishôrkhôu hônbaoashôï : “Nônshôrha gôjônıai jathôn! Aphaya aıkhôu thônhora' môn  
 22 badi, aınbô nônshôrkhôu thônhorô.” Arô bikhôu buınnanôï biô shuphuınnanôï bishôrkhôu hônashôï : “Nônshôrô Gôthar  
 23 Jiukhôu najaodô! Nônshôrô shôrba shôrbani phapphôrkhôu nagarbla, bishôrnô' nagarjabai. Nônshôrô shôrba shôrbani-khôu hompthabla, bephôrô hompthajabai.”

### Thomashni thakhôï

24 Bobekhani Jishua phôıbla, kaoshe shanôini shashe, jaoja  
 25 hônjanai Thomasha bishôrjôn lôgôao gôıa môn. Bıni khainô



gubun shôlôngraphra bikhôu hônashôî : Jônô Phôrbukhôu nubai." Bobekhani biô bishôrkhôu hônashôî : "An bini akhaiphôrao gajôlphôrni hañkhôkhôu nuabla arô añni ashikhôu gajôlphôrni guđuñao shôabla arô añni akhai-  
 26 khôu bini ohebao shôabla, añô phôthaitharnai nona." Shan-  
 dañni unao bini shôlôngraphra arbao no shiñao don môn,  
 arô Thomasha bishôrjôn lôgôshe môn. Dorphra phañthe-  
 jabla, Jishua phôinanôî bishôrni gejerao goshoñnanôî hônashôî :  
 27 Nonshôrha gôjônnaî jathôn !" Biniphrai biô Thomashkhôu  
 hônashôî : "Nônni ashikhôu ôjôn phôlaohort, arô añni akhaiphôr-  
 khôu nai, arô nônni akhai phôlaohornanôî añni ohebao shôdô,  
 28 arô nônô phôthaiôî daja bobekhani phôthaigra ja !" Thomasha  
 buñphinnanôî bikhôu hônashôî : "Ô añni Phôrbu arô  
 29 añni Ishôr !" Jishua bikhôu hônashôî : "Añkhôu nunai  
 khai shô' nônô phôthaibai. Nualabanô phôthaigraphranô  
 bôr hôjagra !"

### Johona mani thakhôî lirbai

30 Jishua be bijabao lirjayôî gôban gubun hañkhôphôrkhiôubô  
 31 shôlôngraphôrni shigañao maodôn môn. Bobekhani biphôrô,  
 lirjabai, nonshôrô phôthainai badi, Jishua Khristho, Ishôrni  
 Bisha hôua hônnanôî, arô nonshôrô phôthainanôî bini muñôî  
 gôthanikhôu mônnaî badi.

### Shashni shôlôngraphôrjôn Jishuni nujanai

21 Bephôrni unao Jishua Thiberiashni shagôr jinao gaoni  
 shôlôngraphôrjôn gaokhôu arbao nujahôashôî. Bobekhani  
 2 biô gaokhôu bebadinô nujahôashôî : Shimon Phethor, jaoja  
 hônjanai Thomash, Galini Khanani Nathanael, Shebedaini  
 bishajlaphôr arô bini shôlôngraphôrni gubun shanôî  
 3 lôgôsheôinô don môn. Shimon Phethora bishôrkhôu hôn-  
 ashôî : "An na homnô thannôshôî." Bishôrô bikhôu hônashôî :  
 "Jônbo nonjôn thanphanôshôî." Bishôrô onkharlanñanôî

naoao gakhôashôi, arô bi horao bishôrô ishebô mônakhôishôi.  
 4 Phuñjani jakhabla, Jishua dôi jináo goshonashôi. Bobekhani  
 5 shôlôngraphra mithiakhôishôi, biô Jishu hónnanôi. Obla  
 Jishua bishôrkhôu hônashôi : “Ô bishaphôr, nônshôrha ishe  
 jadernai don?” Bishôrô bikhôu bunphinashôi : “Gôia.”  
 6 Biô bishôrkhôu hônashôi : “Jekhôu naoni agda thinôi shardô,  
 obla nônshôrô môngôn.” Obla bishôrô sharashôi, arô naphôr-  
 ni gôushe janai khai bishôrô bikhôu bôkhôbaonô hayakhôi-  
 7 shôi. Obla Jishu onnai bi shôlôngraya Phethorkhôu hônashôi :  
 “Benô Phôrbuanô.” Shimon Phethora khônabla, biô Phôr-  
 bu hónnanôi, biô hikhôu janjiao khananôi dôiao barshôm-  
 8 ashôi, manôna biô lonthon phathon môn. Gubun shôlôn-  
 graphra jekhôu naphôrôi’ bôyôi’ bôyôi’ naojôn thanashôi,  
 manôna bishôrô haguñniphrai gôjan nona môn mu jônôi  
 9 shô’ lo. Bishôrô haguñao gakhôbla, bishôrô hangarni ort  
 arô bini shayao nakhôu dônjanai arô shithaokhôu nuashôi.  
 10 Jishua bishôrkhôu hônashôi : “Nônshôr da homnai naphôrni-  
 11 phrai labô!” Shimon Phethora gakhônanôi jekhôu jôushe  
 khaoba matham gedert naphôrjôn bunjasheyôi’ haguñao  
 12 bôkhôashôi. Arô esheban jablabô, jea jiakhôishôi. Jishua  
 bishôrkhôu hônashôi : “Nônshôrô phôinanôi japhôi!”  
 Shôlôngraphôrni raobô biniao shônno gôhô khalaiakhôishôi :  
 “Nônô shôr?” Manôna bishôrô mithiashôi, biô Phôrbu  
 13 hónnanôi. Jishua thannanôi shithaokhôu lananôi bishôrnô’  
 14 hôashôi, nakhôubô bebadinô. Jishua gôthôiphôrniphrai  
 shikhanphinnaini unao shôlôngraphôrjôn be nujanaia khon-  
 thamni jakhabai.

### Phethorkhôu phoshônphinnai

15 Bishôrô jakhabla, Jishua Shimon Phethorkhôu hônashôi :  
 “Ô Johonni bishajla Shimon, nônô ankhôu bishôrni khurôi  
 onshinô?” Biô bikhôu hônashôi : “Ôu, Phôrbu, nônô

mithigôu, anô nônkhôu hamjayô hōnnanôî.” Biô bikhôu  
 16 hōnashôî : “Anni menda bishaphôrkhôu gumdô !” Biô  
 bikhôu khonnôiniaio hōnbaoashôî : “Ô Johonni bishajla  
 Shimon, nônô ankhôu onô ?” Biô hōnashôî : “Ôu, Phôrbu,  
 nônô mithigôu, anô nônkhôu hamjayô hōnnanôî.” Biô  
 bikhôu hōnashôî : “Anni mendaphôrni thakhôî laokhar  
 17 jadô !” Biô bikhôu khonthamniaio hōnashôî : “Ô Johonni  
 bishajla Shimon, nônô ankhôu hamjayô ?” Nônô ankhôu  
 hamjayô hōnnanôî, biô khonthamniaio bikhôu hōnnai khai,  
 Phethorha bikha khamashôî. Arô biô bikhôu hōnashôî :  
 “Ô Phôrbu, nônô gashôikhôubô mithigôu, nônô mithigôu,  
 anô nônkhôu hamjayô hōnnanôî.” Jishua bikhôu hōnashôî :  
 18 “Anni mendaphôrkhôu gumdô !” Nonthargôu, nonthargôu  
 an nônkhôu hōnô : “Nônô sheigrashin jabla, nônô gaokhôu  
 janji khamanôî nôn gôshô janiaonô thabainai môn. Bobe-  
 khani nônô bôraibla, nônô nōnni akhaiphôr phôlaogôn, arô  
 gubun shashe nônkhôu janji khamanôî nôn gôshô jayôiaonô  
 19 nônkhôu langôn.” Biô bobé thōinaijôn Ishôrkhôu shomai-  
 hōgôn hōnnanôî, dinthinô thakhôî biô bikhôu hōnashôî.  
 Arô bikhôu buñnanôî biô Phethorkhôu hōnashôî : “Anni un  
 un phôî !”

### Johonni thakhôî

20 Phethora gidinnanôî Jishu onnai shôlôngrakhôu un un phôinai  
 nuashôî. Biô mônabilini boshao bini bikhayao shōnarnanôî  
 hōndôn môn : “Ô Phôrbu, nônkhôu gothaigraya shôr ?”  
 21 Phethora bikhôunô nubla, biô Jishukhôu hōnashôî : “Ô  
 22 Phôrbu, biha mabôrôî jagôn ?” Jishua bikhôu hōnashôî :  
 “An phôîagôu mani, biô thathôn hōnnanôî, anô gôshô jabla,  
 23 nōnha ma ? Nônô anni un un phôî !” Bini khainô be bathraya  
 bida phonbaiphôrni gejerào arao jayashôî, bi shôlôngraya  
 thōinai nōna hōnnanôî. Bobekhani “biô thōinai nōna

hônnanôï,” Jishua buniakhôï, bobekhani “an phôiagôu manî, biô thathôn hônnanôï, anô gôshô jabla, nôñha ma?”

### Jôbnai bathra

24 Binô bephôrni thakhôï shakhi hôgra arô bephôrkhôu lirgra shôlôngraya, arô jônô mithigôu, bini shakhi hônaia nôngôu  
 25 hônnanôï. Bobekhani Jishu maonai gubun bimainô donbaoô, biphôrô mônphrômbô lirjabla, anô shanô, lirjagôn bijapphôrni thakhôï shoñsharaobô jaiga janai nôña môn hônnanôï.